











臨潼縣志卷八下

詩

白渠歌

漢 謠

田于何所櫟陽谷口鄭國在前白渠起後舉鋪如雲決渠  
為雨涇水一石其泥八斗且溉且糞長我禾黍衣食京師  
億萬之口

溫泉



劉宋 劉義恭

秦都壯溫谷漢京麗湯泉炎德潛遠液暄波起茲源


浴溫湯泉

北齊 劉 逖

驪岫猶懷土新豐尚有家神井堪消疹溫泉足蕩邪紫苔









久已滅閣道遂成墟欲厭東南氣翻傷撿魚車

元宗溫泉對雪

北風吹同雲同雲飛白雪白雪乍迴散同雲何慘烈未見  
溫泉水寧知火井滅表瑞良在茲庶幾可怡悅

惟此溫泉是稱愈疾豈余獨受其福思與兆人共之乘暇  
巡遊乃言其志

桂殿與山連蘭湯湧自然陰崖含秀色溫谷吐潺湲績為  
蠲邪著功因養正宣願言將億兆同此共昌延

奉和聖製過溫湯

越王貞

鳳輦騰宸駕驪籞次乾遊坎德疏溫液山隈派暖流寒氛



生石岸黃沫擁金沙振衣殊未已翻能停使車

唐高宗過溫湯

溫渚停仙蹕豐郊駐曉旌路曲迴輪影岩虛傳漏聲暖溜  
驚湍駛寒空碧霧輕林黃疎葉下野白曙霜明眺聽良無  
已煙霞斷續生

中宗登驪山高頂寓目

四郊秦漢國八水帝王都閭闔雄里閤城闕壯規模貫渭  
稱天邑含岐寔奧區金門披玉館因此識皇圖

幸秦始皇陵

眷言君失德驪邑想秦餘政煩方改篆愚俗乃焚書河方



前題

鄭義真

洛川方佇蹕豐野暫停鑾湯泉恒獨湧溫谷豈知寒漏鼓  
依岩畔林風出樹端嶺煙遙聚草山月迥臨鞍侍從誠多

幸天文遂仰觀

白鹿觀

徐伯彥

風興乘八景丹籙向三仙日月移平地雲霞綴小天金童  
擎紫藥玉女獻青蓮花洞留宸賞還旗繞細烟

奉和幸新豐溫泉宮應制

武平一

秦王登碣石周后襲崑崙何必在遐遠方稱萬寓尊我皇  
順時豫星駕動軒轅雄戟交馳道清笳度國門回輿長樂



空外擁蒸氣，沼中浮林凋。帷影散雲歛，葢陰收霜郊。暢元覽，參差落景道。

前題

王德貞

握圖開萬寓，屬聖啟千年。駟阜疏緹騎，驚鴻映彩旃。玉霜明鳳野，金陣藻龍川。祥烟聚危岫，煖氣溢飛泉。停輿興睿覽，還舉大風篇。

前題

楊思元

豐城觀漢迹，溫谷幸秦餘。地接幽王壘，流分鄭國渠。風威肅文衛，日彩鏡雕輿。遠岫凝氛重，寒叢對影疎。迴瞻建章闕，佳氣滿宸居。



從初服旋稻梁仍欲報歲月坐空捐助岳無纖塊輸溪謝  
未洵還悟北轅失方求南澗田

奉和韋常嗣立山莊侍宴應制

李义

樞掖調梅暇林園藝槿初入朝榮  
劒履退食偶琴書地隱東巖室天迴  
北斗車旌門臨窳窳閣道屬扶疎雲  
罕明丹壑霜笳徹紫虛水疑投石處  
溪似釣璜餘帝澤頒卮酒人歡頌里閭  
一承黃竹咏長奉白茆居

奉和聖製登駟山高頂寓目

蘇頌

仙蹕御層氛高高積翠分岳聲中谷應  
天語半空聞豐樹連黃葉函關入紫雲  
聖圖恢寓縣歌賦小橫汾



觀校獵上林園行漏移三象連營總八屯旌搖鸚鵡谷旗  
轉鳳凰原絕壁蒼苔古靈泉碧溜溫參差開水殿窸窣敞  
巖軒豐邑模猶在駟宮迹尚存烟松銜翠幄雪徑繞花源  
待從推元草文章召虎貴深仁浹夷夏洪造溢乾坤謬忝  
王枚列多慚雨露恩

偶遊龍門北溪忽憶驪山別業因以言志示弟淑奉呈諸

大僚

韋嗣立

幽谷杜陵邊風煙別幾年偶來伊水曲溪嶂覺依然傍浦  
潯芳樹尋崖愛綠泉嶺雲隨馬足山鳥向人前地合心俱

靜言因里自元豆什刀重行

奉和聖製溫泉對雪應制

瑞雪對寒風，寒風入陰宮。  
陰宮方凝閉，寒風復淒斷。  
宮似瑤林布，庭如月華滿。  
正歡挾纈詞，非近溫湯暖。

奉和辛韋嗣立山莊侍宴應制

寒灰飛玉琯，湯井駐金輿。  
既得方明相，還尋大隗居。  
懸泉珠貫下，列帳錦屏舒。  
騎遠林逾密，筵繁谷自虛。  
門旗塹複磴，殿幕表通渠。  
舞鳳隨公主，雕龍起婕妤。  
地幽天賞洽，酒樂御筵初。  
菲才叨侍從，連藻媿應徐。

奉和聖製辛白鹿觀應制

洞府寒山曲，天遊日旰迴。  
披雲看石鏡，拂雪上金臺。  
竹徑



扈從溫泉汎渭川得齊字

虹旗映綠蕩春仗漢豐西侍蹕浮清渭揚舠降紫泥近臨  
投石地遙指釣璜谿岸轉帆飛疾川平棹欲齊傳舟來是  
用軒馭往應迷興闋菱歌動沙洲亂夕鷺

奉和聖製登驪山矚眺應制

張說

寒山上半空臨眺盡寰中是日巡遊處晴光遠近同川明  
分渭水樹暗辨新豐岩壑清音暮天歌起大風

奉和聖製溫泉言志

溫泉媚新豐驪山橫半空湯池薰水殿翠木暖烟宮起疾

逾仙藥無私合聖功始知堯舜德心與萬人同



奉和聖製韋韋嗣立山莊應制

南洛師臣契東岩王佐屈幽情遺綾冕宸眷屬樵漁制下  
峒山蹕恩迴灞水輿松門駐旌蓋薜幄引簪裾石磴平黃  
陸煙樓半紫虛雲霞仙路近琴酒俗塵踈喬木千齡外懸  
泉百丈餘崖深經煉藥穴古舊藏書樹宿搏風鳥池潛縱  
壑魚寧知天子貴尚憶武侯廬

前題

萬騎千官擁帝車八龍三馬訪仙家鳳凰原上開青壁鸚  
鵡杯中落紫霞

幸白鹿觀應制

沈佺期



龍驂下松庭鶴轡來  
獲童還獻藥  
五包耀仙材

幸白鹿觀應制

崔湜

御旗探紫籙仙仗闢丹邱  
捧藥芝童下焚香桂女留  
鸞歌無歲月鶴語記春秋  
臣翔其何幸常陪漢武遊

奉和聖製登驪山高頂寓目

趙彥昭

皇情遍九垓御輦駐昭回  
路若隨天轉人疑近日來  
河看大禹鑿山見巨靈開  
願扈登封駕常持薦壽杯

奉和聖製登驪山高頂寓目

李嶠

步輦陟山巔山高入紫烟  
忠臣還捧日聖后欲捫天  
迴識昌凌樹低看華嶽蓮  
帝鄉應不遠空見白雲懸



奉和聖製溫泉歌

有時神物待聖人去後湯還冷來時樹亦春  
今茲十月自東歸羽旆逶迤上翠微  
溫泉谷蔥蔥佳氣色離宮奕奕光輝  
臨渭川近天邑浴日溫泉復在茲  
羣仙洞府那相及吾君利物心  
元澤浸蒼黔漸漬神湯無疾苦  
薰歌一曲感人深

驪山下逍遙公舊居遊集

君子體清尚歸處有無資  
雖然經濟日無忘幽栖時卜居  
舊何所休澣嘗來茲岑寂罕人事  
幽深獲我思松澗聆清



紫鳳真人府珽龍太上家天流芝蓋下山轉桂旗斜聖藻  
垂寒露仙杯落晚霞唯應問王母桃作幾時花

奉和聖製韋韋嗣立山莊應制

東山朝日翠屏開北闕晴空綵仗來喜遇天文七曜動少  
微今夜近三臺

和黃門盧監望秦始皇陵

張九齡

秦帝始求仙驪山何遽卜中年既無效茲地所宜復徒役  
如雷奔珍怪亦雲蓄黔首無寄命赭衣相追逐人怨神亦  
怒身死宗遂覆土崩失天下龍闕入函谷國為項籍屠君  
同華元戮始掘既由楚終焚乃因牧上宰識楊賢中河盛



隨明主恩波浹近臣靈威自無極從此獻千春

奉酬韋嗣立祭酒偶遊龍門北谿忽懷驪山別業

崔宗之

關塞臨伊水驪山枕灞川俱臨隱路側同在帝城邊  
謝公魚出處携妓玩林泉鳴騶噴梅雪飛蓋曳松烟  
聞琴幽谷裏看奕古岳前落日低帷帳歸雲繞管絃  
叨榮慙北闕微尚愛東田寂寞灰心盡蕭條塵事捐  
朝思登嶺絕夜夢弄潺湲宿懷南澗意況睹北谿篇

華清宮

皇甫冉

驪岫接新豐岩光駕翠空鑿山開秘殿隱霧蔽仙宮  
絳闕



風蘭林覽餘滋往事誠已矣道存猶可追遺子後黃金作  
歌先紫芝明德有自來奕世皆秉彝豈與礪谿老崛起周  
太師我心希碩人逮此問元龜怡悵既懷遠沈吟亦省私  
已云寵祿過況在華髮衰軒蓋有迷復邱壑無磷緇感物  
重所懷何但止足斯

奉和姚令公扈從溫泉喜雪

萬乘飛黃馬千金獵白裘正逢銀霰積如向玉京遊瑞色  
鋪馳道花文拂綵旒還聞吉甫頌不共郢歌儔

從駕溫泉宮

徐安貞

神女調溫夜年年寺聖人試開高長綬來先萬車聖愛氣

盧僎

風后軒皇佐雲峰謝客居承恩來翠頰  
締賞出丹除飛蓋松溪窈清茄玉洞虛  
窺巖詳霧豹過水略泉魚鄉入無何  
有時還上古初伊臯羞過後魏邴服  
麤疎白雪緣情降青霞落卷舒多慚  
郎署在輒繼國風餘

奉和華清宮觀行香應制

崔國輔

天子蕊珠宮樓臺碧落通豫遊皆汗漫  
齋處即崆峒雲物三光裏君臣一氣中  
道言何所說寶歷自無窮

題石甕寺

元朝唐

勝境宜長望邊春好散愁關連四塞起  
河帶八川流復登



猶棲鳳雕梁尚帶虹溫泉曾浴日華館舊迎風肅穆瞻雲輦  
沉深閉綺櫳東郊倚望處瑞氣靄濛濛

溫湯即事

天仗星辰轉霜冬景氣和樹含溫液閉山入繚垣多丞相  
金錢賜平陽玉輦過魯儒求一謁無路獨如何

登元元廟

古廟川原迴重門禁籞連海童紛翠蓋羽客事瓊筵  
分隄柳離宮出苑田興新無向背望久辨山川物色  
老區中誓絕緣函關若遠近紫氣獨依然

新豐佳氣滿聖主在溫泉雲暖龍行處山明日馭前順風  
求至道側席問遺賢靈雪瑤池降晨霞綵仗縣滄溟不讓  
水鄙賤也朝天

奉和聖製登朝元閣

六合紆元覽重軒啟上清石林飛棟出霞頂泰階平拂曙  
臺輿上睎陽瑞雪晴翠微回日馭丹巘駐天行御氣升銀  
漢垂衣俯錦城山通玉苑迴河抱紫闕明感物乾文動凝  
神道化成周王陟喬岳列辟讓英聲

驪山送李回

李頎

知君官屬大司農詔幸驪山執事雄歲發金錢供御晝



承香閣重臨映彩樓為臨溫泉近偏美望君遊

題石甕寺

馬戴

僧室并皇宮雲門輦路通渭分渡關北山迴五陵東修綆  
懸林表深泉及洞中人煙窺垤蟻駕瓦拂冥鴻蘚壁松生  
峭龕燈月照空稀逢息心侶獨禮竺乾公

初日照華清宮

馮宿

靈山初照日遠近見離宮影動參差裡先分縹緲中鮮麗  
收晚翠佳氣滿晴空林潤溫泉入樓深複道通璇題生烟  
晃珠綴引勝麗鳳輦何時幸朝朝此望同

墓出見蓋有由至尊顧之笑王母不肯收復歸虛無底化  
作長黃虬飄飄青瑣郎文采珊瑚鈎浩歌淶水曲清絕聽  
者愁

驪山

驪山絕望幸華萼罷登臨地下無朝燭人間有賜金鼎湖  
龍去遠銀海鴈飛深萬歲蓬萊日長懸舊羽林

閨鷄殿

閨鷄初賜錦舞馬既登牀簾下宮人出樓前御柳長仙遊  
終一閨女樂久無香寂寞驪山道清秋艸木黃

古風

李白



看仙液注離宮千巖曙雪旌門上十月寒花輦路中不覩  
聲名與文物自傷流滯去關東

奉同郭給事湯東靈湫作

杜甫

東山氣鴻濛宮殿居上頭君來必十月樹羽臨九州陰火  
煮玉泉噴薄張岳幽有時浴赤日先抱空中樓閬風人轍  
跡曠原延冥搜沸天萬乘動觀水百丈激幽靈斯可怪王  
命官屬休初聞龍用壯劈石摧林邱中夜虛宅改移因風  
雨秋倒懸瑤池影屈注滄江流味如甘露漿揮弄滑且柔  
翠旗淡偃蹇雲車鳴蕭蕭鼓蕩四溟異香泱泱浮蛟人

龍天馬駒王公大人惜顏色金章紫綬來相趨當時結交  
何紛紛片言道合惟有君待吾盡節報明主然後相携卧  
白雲

侍從遊宿溫泉宮作

羽林十二將羅列應星文霜仗懸秋月霓旌捲夜雲嚴更  
千戶肅清樂九天聞日出瞻佳氣葱葱繞聖君

溫泉侍從歸逢故人

漢帝長楊苑誇胡羽獵歸子雲叨侍從獻賦有光輝激賞  
搖天筆承恩賜御衣逢君奏明主他日共翻飛

燕子龕禪師

王維



秦皇掃六合虎視何雄哉揮劍決浮雲諸侯盡西來明斷  
自天啟大畧駕羣才收兵鑄金人函谷正東開銘功會稽  
巔騁望琅琊臺刑徒七十萬起土驪山隈尚採不死藥茫  
然使心哀連弩射海魚長鯨正崔嵬額鼻象五嶽揚波噴  
雲雷鬚鬣蔽青天何由覩蓬萊徐市載秦女樓船幾時回  
但見三泉下金棺塋寒灰

駕去溫泉後贈楊山人

少年落魄楚漢間風塵蕭瑟多苦顏自言管葛竟誰許長  
吁莫錯還閉關一朝君王垂拂拭剖心輸丹雪胸臆忽蒙  
白日回景光直上青雲生羽翼幸陪鸞輦出鴻都身騎飛

間翻從玉殿來新豐樹裏行人度小苑城邊獵騎回  
甘泉能獻賦懸知獨有子雲才

過始皇墓

古墓成蒼嶺幽宮衆紫臺星辰七曜隔河漢九天開有海  
人寧渡無春雁不迴更聞松韻切疑是大夫哀

和僕射晉公扈從溫湯

天子幸新豐旌旗渭水東寒山天仗外溫谷幔城中  
羣仙座焚香太乙宮出遊逢牧馬罷獵見飛熊  
上宰無爲化明時太古同靈芝三秀紫陳粟萬箱紅  
玉禮尊儒教天無小戰功謀猷歸哲匠詞賦屬文宗  
司諫方無闕陳詩且



山中燕子龕路劇華暢惡裂地競盤屈掃天多峭嶮深泉  
吼而噴怪石看欲落伯禹訪未知五丁愁不鑿上人無生  
緣生長居紫閣六時自撻磬一飲長帶索種田燒白雲所  
漆嚮丹壑行隨拾粟猿歸對巢松鶴時許山神請偶逢洞  
仙博救世多慈悲即心無行作周商倦積阻蜀物多淹泊  
出腹乍旁穿潤唇時外拓橋憑倒樹架柵值垂藤縛鳥道  
悉已平龍宮為之涸跳波誰揭厲絕壁免捫摸山木日夕  
陰結跏歸舊林一向石門裏任君春草深

和太常韋主簿溫湯寓目之作

漢主離宮殿舊基春樹半生枝陽開青山盡是朱旗繞碧

長恨歌

漢皇重色思傾國，御宇多年求不得。  
楊家有女初長成，養在深閨人未識。  
天生麗質難自棄，一朝選在君王側。  
迴眸一笑百媚生，六宮粉黛無顏色。  
春寒賜浴華清池，溫泉水滑洗凝脂。  
侍兒扶起嬌無力，始是新承恩澤時。  
雲鬢花顏金步搖，芙蓉帳暖度春宵。  
春宵苦短日高起，從此君王不早朝。  
承歡侍宴無閒暇，春從春遊夜耑夜。  
漢宮佳麗三千人，三千寵愛在一身。  
金屋粧成嬌侍夜，玉樓宴罷醉和春。  
姊妹兄弟皆列土，可憐光彩生門戶。  
遂令天下父母心，不重生男重生女。  
驪宮高處入青雲，仙樂風飄處處聞。  
緩歌



卷八  
朱王長吟吉甫頌朝夕仰清風

驪宮高

白居易

高高驪山上有宮  
朱樓數殿三四重  
遲遲兮春日玉甃暖  
兮溫泉溢嫋嫋  
兮秋風山蟬鳴  
兮宮樹紅  
翠華不來歲月  
久  
墻有衣兮瓦有松  
吾君在位已五載  
何不一幸乎其中  
西去都門幾多地  
吾君不遊有深意  
一人出兮不容易  
六宮從兮百司脩  
八十一車千萬騎  
朝有宴飫暮有賜  
中人  
之產數百家  
未足充君一日費  
吾君脩己人不知  
不自逸  
兮不自嬉  
吾君愛人人不識  
不傷財兮不傷脂  
驪宮高兮  
高入雲  
君之來兮為一身  
君之不來兮為萬民

淚垂春風桃李花開日秋雨梧桐葉落時西宮南內多秋草  
落葉滿階紅不掃梨園子弟白髮新樹房阿監青娥老  
夕暝螢飛思悄然孤燈挑盡未成眠遲遲鐘漏初長夜耿耿  
星河欲曙天鴛鴦瓦冷霜華重翡翠衾寒誰與共悠悠  
生死別經年魂魄不曾來入夢臨卭道士鴻都客能以精  
誠致魂魄為感君王輾轉思遂教方士殷勤覓排空馭氣  
奔如電昇天入地求之遍上窮碧落下黃泉兩處茫茫皆  
不見忽聞海上有仙山山在虛無縹緲間樓殿玲瓏五雲  
起其中綽約多仙子中有一人字太真雪膚花貌參差似  
金闕西廂扣玉扃轉教小玉報雙成聞道漢家天子使九



慢舞凝絲竹盡口君王看不足漁陽鼙鼓動地來驚破霓裳羽衣曲九重城闕烟塵生千乘萬騎西南行翠華搖搖行復止西出都門百餘里六軍不發無奈何宛轉蛾眉馬前死花鈿委地無人收翠翹金雀玉搔頭君王擣面救不得回看血淚相和流黃埃散漫風蕭索雲棧縈回登劍閣峨嵋山下少人行旌旗無光日色薄蜀江水碧蜀山青聖主朝朝暮暮情行宮見月心傷色夜雨聞鈴腸斷聲天旋地轉迴龍馭到此躊躇不能去馬嵬坡下泥土中不見玉顏空死處君臣相顧盡沾衣東望都門信馬歸歸來池苑皆依舊太液芙蓉未央柳芙蓉如面柳如眉對此如何不

江南遇天寶樂叟歌

白頭病叟泣且言祿山未亂入梨園能彈琵琶和法曲多

在華清隨至尊是時天下太平久年年十月也朝元帝宮

起居環珮合萬國會同車馬奔金鈿照耀石甍等蘭麝薰

煮溫湯源貴妃宛轉侍君側體弱不勝珠翠飾冬雪飄飄

錦袍暖春風蕩漾霓裳翻歡娛未足燕寇至已勁馬肥戎

語喧幽土人遷避獯鬻鼎湖龍去哭軒轅從此飄淪到南

土萬人死盡一身存秋風江上浪無際暮雨山中酒一尊

涸魚久失風波勢枯草曾沾雨露恩我自秦來君莫問驢

山渭水如荒村新豐樹老籠明月長生殿暗鎖黃昏紅葉



華帳裡夢魂驚攬衣推枕起徘徊珠箔銀屏掩  
半偏新睡覺花冠不整下堂來風吹仙袂飄飄舉猶是霓裳羽衣舞玉容寂寞淚闌杆梨花一枝春帶雨含情凝睇  
謝君王一別音容兩渺茫昭陽殿裏恩愛斷蓬萊宮中日  
月長迴頭下望人寰處不見長安見塵霧惟將舊物表深  
情鈿合金釵寄將去釵留一股合一扇釵擘黃金合分鈿  
但令心似金鈿堅天上人間會相見臨別殷勤重寄詞詞  
中有誓兩心知七月七日長生殿夜半無人私語時在天  
願作比翼鳥在地願為連理枝大長地久有時盡此恨綿

綿無絕期

是時翁年二十四兵部牒中有名字夜深不敢使人知偷  
將大石搥折臂張弓簸旗俱不堪從茲始免征雲南骨碎  
筋傷非不苦且圖揀退歸鄉土此臂折來六十年一肢雖  
廢一身全至今風雨陰寒夜直到天明痛不眠痛不眠終  
不悔且喜老人今獨在不然當時瀘水頭身死魂飛骨不  
收應作雲南望鄉鬼萬人塚上哭呦呦老人言君聽取君  
不見開元宰相宋開府不賞邊功防黷武又不聞天寶宰  
相楊國忠欲求恩幸立邊功邊功未立生人怨請問新豐  
折臂翁

述華清宮五首

儲光義



紛紛蓋敵瓦，綠苔重重封壞垣。惟有中官作使，每年寒食一開門。

新豐折臂翁

新豐老人八十八，頭髻眉鬚皆似雪。元孫扶向店前行，左臂憑肩右臂折。問君臂折來幾年，兼問致折何因緣。翁云：貫屬新豐縣，生逢聖代無征戰。慣聽梨園歌管聲，不識旗槍與弓箭。無何天寶大徵兵，戶有三丁點一丁。點得驅將何處去？五月萬里雲南行。聞道雲南有瀘水，花落時盡煙起大軍徙。涉水如湯未過十，十八已死。邨西邨北哭聲哀。見別翁娘夫別妻，皆云前後征戍者十萬人，行無一回。

過新豐道中

西下長樂坂東入新豐道  
雨多車馬稀道上生秋草  
太陰藏臯陸莫知晚與早  
雷雨杳冥冥川谷漫浩浩  
詔書植嘉木衆言桃李好  
自媿無此容歸從漢陰老

新豐主人

新豐主人新酒熟舊客還  
歸舊堂宿滿酌香含北砌  
花盈樽色泛南軒竹雲散  
天高秋月明東家少婦解  
秦箏醉來忘却巴陵道夢  
中疑是洛陽城

述降聖觀

一山盡天苑一峯開道宮  
道花飛羽衛天鳥遊雲空  
玉殿



上在蓬萊宮莫若居華清朝朝禮元閣日日聞體輕大聖  
不私己精禪為羣氓

上出蓬萊時六龍儼齊首長道舒羽儀彤雲映前後天聲  
敷宇宙真氣到林藪

昔在軒轅朝五城十二樓今我神泉宮獨在驪山陬羣芳  
趨順動百辟隨天遊

正月開陽和通門緝元化穆穆辟容歸豈為明燈夜高山  
大風起肅肅隨龍駕

上林神君宮此地即明庭山開鴻濛色天轉招搖星

報大有孰謂非我靈

元昧爽漏恒秩登山卽禮元元室翠華輝騰天宮雲丹陽  
先明海中日羽旌旄節憩瑤臺清絲妙管從空來萬舞九  
衢皆仰望彩雲白鶴方徘徊憑高覽古嗟寰宇造化茫茫  
思悠哉秦川八水長繚繞漢氏五陵空崔嵬乃言聖祖奉  
丹經以年為日億萬齡蒼生咸壽陰陽泰高謝前王出塵  
外英豪共理天下晏戎夷讐服兵無戰時豐賦歛未告勞  
海濶珍奇亦來獻干戈一起文武乖歡娛已極人事變聖  
皇弓劒墜幽泉古木蒼山閉宮殿續承鴻業聖明君威震  
六合驅妖氛太平遊章今可待湯泉嵐嶺還氤氲

溫泉行



俯元水春旗搖素風夾門小松柏覆井新梧桐自昔大仙  
下乃知元化功神皇作桂館此意與天通

石甕寺

遙山起真宇西向盡花林下見宮殿小上看廊廡深苑花  
落池水天語聞松音真子又知我焚香期化心

驪山行

韋應物

君不見開元至化垂衣裳厭坐明堂朝萬方訪道靈山降  
聖祖沐浴華池集百祥千乘萬騎被原野雲霞草木相輝  
光禁仗圍山曉霜勁離宮積翠夜漏長玉堦寂歷朝無事  
碧樹萎蕤寒更芳三清小鳥傳仙語九華真人捧瓊漿下

永泉動忻忻衆鳥鳴閒齋始延曠東作興庶暇即事玩文  
墨抱冲披道經於焉日澹泊徒使芳尊盈

酬鄭戶曹驪山感懷

蒼山何鬱盤飛閣凌上清先帝昔好道下元朝百靈白雲  
已蕭條麋鹿但縱橫泉水今尚暖舊林亦青青我念綺襦  
歲危從當太平小臣職前驅馳道出灞亭翻翻日月旗殷  
殷輦鼓聲萬馬自騰驤八駿按轡行日出煙嶠綠氛氲麗  
層甍登臨起遐想沐浴觀聖情朝燕詠無事時豐賀國禎  
日和絃管音下使萬室聽海內湊朝貢賢愚共歡榮合沓  
車馬喧西聞長安城事往世如寄感深迹所經申章報蘭



出身天寶人年幾續斃如鉅命如紙作官不了却來歸還  
是杜陵一男子北風慘慘投溫泉忽憶先皇遊幸年身騎  
廐馬引天仗直入華清列御前玉林瑤雪滿寒山上昇元  
閣遊絳烟平明羽衛列萬國車馬合沓溢四鄜蒙恩每浴  
華池水扈獵不蹂渭北田朝廷無事共歡燕美人絲管從  
九天一朝鑄鼎降龍馭小臣髯絕不得去今來蕭瑟萬井  
空惟見蒼山起煙霧可憐躑躅失風波仰天大叫無奈何  
敝裘羸馬凍欲死賴遇主人杯酒多

縣齋

仲春時景好草木漸舒榮公門日無事微雨園林清泱泱

啼宮中樹溫泉泱泱出宮流宮使年年修玉樓禁丘去盡  
無射獵日西麋鹿登城頭梨園弟子偷曲譜頭白人問教  
歌舞

華清宮感舊

塵到朝元邊使急千官夜簇六龍回輦前月照羅衣淚馬  
上風吹燭炬灰公主粧樓金鎖澁貴妃湯殿玉蓮開有時  
天外聞天樂疑是先皇沐浴來

初到昭應皇同僚

白髮初為吏有慚年少郎自知身上拙不稱世間忙秋雨  
縣牆綠暮山宮樹黃同官若容許長借老僧房



添一望雙涕零

園林晏起寄昭應韓明府盧主簿

田家已耕作井屋起晨烟園林鳴好鳥間居猶獨眠不覺  
朝已晏起來望青天四體一舒展情性亦忻然還復茅簷  
下對酒思數賢束帶理官府案牘盈目前當念中林賞覽  
物遍山川吾儕遇明世庶以道自全

溫泉宮行

王建

十月一日天子來青繩御路無塵埃宮前內裏  
箇白玉芙蓉開朝元閣向山上起城繞青山  
金殿看星河宮女知更月明裏武皇得山

和暖遶材行新貧喜足聲掃渠夏竹旱澆地子蘭生山客  
憑栽樹家僮使入城門前粉壁上書著縣官名

前題

新占原頭地本無山可歸荒藤生葉晚老杏著花稀厨舍  
近泥竈家人初飽薇弟兄今四散何日更相依

前題

長安無舊識百里是天涯寂寞思逢友荒原喜見花訪僧  
求賤藥將馬市豪家時得新蔬菜朝盤忽覺奢

前題

鷄鳴村舍邊花發亦蕭條野竹初生筍溪田未得苗家貧



縣丞廳即事

宮殿半山上人家高下居古廳眠受魘老吏語多虛雨水  
洗荒竹溪沙填廢渠聖朝收外府皆自九天除

昭應官舍

繞廳春草合知道縣家閒行見雲遮院卧看人上山避風  
新浴後請假未醒間朝客輕卑吏從他不往還

原上新居

春來梨棗盡啼哭小兒飢隣富鷄常去莊貧客漸稀借牛  
耕地晚賣樹納錢遲墻下當官路依山補竹籬

前題

連內裏見天多荒泉壤簡朱砂暗古堦殘綰霧宇詭譎詭  
開元齋醮日曉移行漏帝親過

華清宮

酒幔高樓一百家宮前楊柳寺前花內園分得溫湯水二  
月中旬已進承

霓裳詞四首

勅賜宮人澡浴回遙看姜女院門開一山星月霓裳動好  
字先後殿裏來

知在華清年月滿山頭山底種長生去時留下霓裳曲半  
是離宮別館聲



僮僕瘦春冷菜蔬焦甘分常如此無名在聖朝

前題

嬾更學諸餘林中掃地居膩衣穿不洗白髮短慵梳苦相  
常多淚勞生自悟虛閒行人事絕親故亦無書

昭應官舍書事

縣在華清宮北面曉看樓殿正相當慶雲出處依時報御  
果呈來每度嘗膺月近湯泉不凍夏天臨渭屋多涼兩衙  
早被官拘束登閣巡溪亦屬忙

同于汝錫遊降聖觀

秦時桃樹滿山坡騎鹿先生降大羅路盡溪頭逢也少

青山何所直賣供官稅不如灰

石甕寺

權德輿

石甕靈泉勝竇井汲人迴挂青絲綆厨烟半逐白雲飛  
當  
畫老僧來灌頂

仲秋望華清宮樹因以成詠

盧綸

可憐雲木襲漪禁碧濛濛色潤靈泉近陰清輦路通玉壇  
標八桂金井識淮桐交映凝寒露相和起夜風數枝盤石  
上幾葉落雲中燕拂宜秋霽蟬鳴覺晝空翠屏更隱見珠  
綴共玲瓏雷雨生成早樵蘇禁令雄野藤高助綠仙果迥  
呈紅惆悵繚垣暮茲山聞暗蛩



傳呼法部按霓裳新得承恩別作行日晚貴妃樓上看內  
人昇出綵羅箱

朝元閣上風初起夜聽霓裳玉露寒宮女月中更替立黃  
金梯滑並行難

奉同會郎中題石甕寺得嵌韻

寺門連內遠丹巖下界雲開數過帆遙指上皇翻曲處百  
官題字滿西嵌

逍遙翁溪亭

逍遙翁在此徘徊帝改溪居起石臺車馬到春常借問子

系劉題晉歸來帝東野竹人移所零落蕉花雨丁開無主

五十年天子離宮舊粉塘登封時正泰御宇日初長上位  
先名實中興事憲章舉戎輕甲冑餘地取河湟道帝位元  
祖儒封孔子王因緣百司署聚會一人湯渭水波搖綠秦  
山草半黃馬頭開夜照鷹眼利星芒下箭朱弓滿鳴鞭皓  
腕攘攷思獲呂望諫祇避周昌免跡貪前逐梟心不早防  
幾添鸚鵡勸頻賜荔枝嘗月鎖千門靜天高一笛涼細音  
搖翠佩輕步宛霓裳袖亂根潛結昇平意遽忘衣冠迹犬  
虜鼙鼓動漁陽外戚心殊迫中途事可量雪埋妃子貌刀  
斷祿兒腸近侍煙塵隔前蹤輦路荒益知迷寵佞唯恨喪  
忠良北闕尊明主南宮遜上皇禁清餘鳳吹池冷映龍光



華

香氣騰騰暖土香  
一國同慶滿山香  
宜娃幾許經歌舞  
白

首 卷

藝清堂

張籍

源泉流入漢離宮宮樹行行浴殿空武庫繼時人欲盡青

主  
空  
閉  
御  
牆  
中

昭應王中丞

借得街西宅。開門渭水頭。  
長春無要健。漸老不禁愁。  
獨凭藤書架。空懸竹酒鉤。  
春風石上客。得意任悠悠。

滕書架空懸酒鉤  
春風石上生雲氣  
若竹

華清宮和士舍人

阿鴈湯

月落宮城紅樹芳  
綠窗燈影在雕梁  
金輿未到長生殿  
妃子偷尋阿鴈湯

過華清宮

李賀

春月夜啼鴉  
宮簾隔御花  
雲生朱絡暗  
石斷紫錢斜  
玉腕盛殘露  
銀燈點舊紗  
蜀王無近信  
泉上有芹芽

公莫舞歌

公莫舞歌者詠項伯翼蔽劉沛公也會中壯士灼灼于  
人故無復書且南北樂府率有歌行賀陋諸家今重作  
公莫舞歌云



祝壽山猶在流年水共傷杜鵑魂厭蜀蝴蝶夢悲莊雀卵  
遺雕拱虫絲罨畫梁燕苔侵壁潤紅樹閉門芳守吏齊鴛  
瓦耕民得翠璫歡康昔時樂誨武舊兵場暮草深岩靄幽  
花墜逕香不堪垂白叟行折御溝楊

華清宮

紅樹蕭蕭閣半開上皇曾幸此宮來至今風俗駟山下邨  
笛猶吹阿濫堆

集靈臺

日光斜照集靈臺紅樹花迎曉露開昨夜上皇新受錄太

真含笑入簾來

聖寺入時春雪後  
峰峰得至山山前  
老僧不出迎  
朝客已住上方三十年

華清宮三十韻

杜牧

繡嶺明珠殿層巒下  
繚牆仰窺丹檻影  
猶想赫袍光昔帝  
登封後中原自古強  
一千年際會三萬里農桑  
几席延堯舜軒墀接禹湯  
雷霆馳號令星斗煥文章  
釣築乘時用芝蘭在處芳  
北扉閑木索南面富循良  
至道思元圃平居厭未央  
鈎陳褱巖谷文陛壓青蒼  
歌吹千秋節樓臺八月涼  
神仙遠縹緲環珮碎丁當  
泉暖涵窓鏡雲嬌惹粉囊  
嫩嵐滋翠葆清渭照紅妝  
帖泰生靈壽歡娛歲序長  
月聞仙曲



方花古礎排九楹刺豹淋血盛銀鬕華筵鼓吹無桐竹長  
刀直立割鷄箏橫楯粗錦生紅緯日炙錦媽王未醉腰下  
三看寶玦光項莊拔劍欄前起材官小臣公莫舞座上真  
人赤龍子芒碭雲瑞抱天迴咸陽王氣清如水鐵樞鐵捷  
重東關大旗五丈撞馭鑼漢王今日頒秦印絕臚剗腸臣  
不論

題韋氏莊

韓愈

昔者誰能比今來事不同寂寥青草曲散漫白榆風架倒  
藤全落籬欹竹半空寧湏惆悵立翻露本無窮

華清宮

零葉翻紅萬樹霜  
玉蓮閒藥暖泉香  
行雲不下朝元閣  
一曲淋鈴淚數行

過驪山

寶輦

翠輦紅旗去不回  
蒼蒼宮樹鎖青苔  
有人說得當時事  
曾見長生玉殿開

駕幸溫泉

盧象

傳聞聖主幸新豐  
清蹕鳴鑾出禁中  
細草終朝隨步輦  
垂楊幾處繞行宮  
千官扈從驪山北  
萬國來朝渭水東  
此日小臣徒獻賦  
漢家誰復羨揚雄



調霓作舞衣裳雨露偏金穴乾坤入醉鄉玩兵師漢武迴  
手倒干將鯨鬣掀東海胡牙揭上陽喧呼馬崑血零落羽  
林槍傾國留無路還魂怨有香蜀峰橫慘淡秦樹遠微茫  
鼎重山難轉天扶業更長望賢餘故老花萼舊池塘往事  
人誰問幽襟淚獨傷碧簷斜送日殷葉半凋霜迸水傾瑤  
砌踈風罅玉房塵埃羯鼓索片段荔枝筐鳥啄摧寒木蝸  
涎蠹畫梁孤煙知客恨遙起秦陵旁

### 過華清宮

長安回望繡成堆山頂千門次第開一騎紅塵妃子笑無  
人知是荔枝來

暖殿流湯數十階  
玉渠不結浪  
巨環上皇初解雲衣  
落致  
擢時敲琴瑟山

寒食新豐別友人

趙嘏

一百五日家未歸  
新豐鷄犬獨依依  
滿樓春色傍人醉  
半夜雨聲前計非  
繚繞溝塍含綠晚  
荒涼樹石向川微  
東風吹淚對花落  
顚顚故交相見稀

冷日過驪山

冷日微烟渭水愁  
翠華宮樹不勝秋  
霓裳一曲千門鎖  
白盡梨園弟子頭

華清宮二首

崔櫓



華清宮

張繼

天寶承平奈樂何  
華清宮殿鬱嵯峨  
朝元閣峻臨秦嶺  
羯鼓樓高俯渭河  
玉樹長塵雲外曲  
霓裳閒舞月中歌  
只今惟有溫泉水  
鳴咽聲中感慨多

華清宮詞

劉禹錫

日出驪山東徘徊  
照溫泉樓臺相玲瓏  
稍稍開白煙言昔  
太上皇常居此祈年  
風中聞清樂往往來  
列仙翠華入五雲  
紫氣歸上元  
哀哀生人淚泣盡  
弓劍前聖道本無我  
凡情徒顚然  
小臣感元化一望青冥天

湯泉

陸龜蒙

溫泉客舍

崔長組

冬狩溫泉歲欲闌宮城佳景晚宜看湯薰仗裡千旗暖雪  
照山邊萬井寒君門獻賦誰相達客舍無錢輒自安且喜  
禮闈秦鏡在還將筆研赴春官

奉和御製段太尉碑

薛存誠

堊儀從儉禮刊石荷堯君露跡垂繁字天哀洒麗文詔深  
榮嗣子海變起孤墳寶思皆涵象皇心永念勲雅詞黃絹  
妙渥澤紫泥分青史應同久芳聲萬古聞

驪山

崔塗

古殿春殘綠野陰上皇曾此駐泥金三郎帳屬昇平夢一



門橫金鎖悄無人  
落日秋聲渭水濱  
紅日下山寒寂寂  
濕雲如夢雨如塵

草遮回磴絕鳴鑾  
雲樹深深碧殿寒  
明月自來還自去  
更無人倚玉闌杆

奉和登會昌山應制

孫逖

巖磴列雲旗  
吾君訪道時  
乾行萬物覩  
日馭六龍遲  
望遠回天顧  
登高動睿詞  
願因山作壽  
長保會昌期

溫泉

羅鄴

一條春水漱莓苔  
幾繞元宗浴殿回  
此水貴妃曾照影  
不

堪流入舊宮來

經故太尉段公廟

靜想追兵緩翠華  
古碑荒廟閉松花  
紀生不向榮陽死  
爭有山河屬漢家

途經始皇墓

龍蟠虎踞樹層層  
勢入浮雲亦是崩  
一種青山秋草裡  
路入唯拜漢文陵

宿昭應

顧況

武帝祈靈太乙壇  
新豐樹色繞千官  
那知今夜長生殿  
獨閉空山月影寒

驪山有感

李商隱



曲鈴闌悵望心苑路晴迷香輦絕繚垣秋斷草煙深前朝  
舊物東流在猶為年年下翠岑

驪山

許渾

聞說先皇醉碧桃日華浮動鬱金袍風隨玉輦笙歌迴雲  
捲珠簾劍佩高凌鳳北歸山寂寂六龍西去水滔滔  
歿後巡幸少瓦落宮墻見野蒿

華清宮

樓閣參差倚夕陽年年花發滿山香重門閒鎖青春晚深  
院簾垂白日長草色芊綿侵御路泉聲鳴咽繞宮牆  
先皇

霞裳展屈車美豈杜區奚不寐月馬三才豆  
妓金鞍萬戶侯薄雲歌雀扇輕雪犯貂裘過客聞韶獲屈  
人識冕旒氣和春不覺烟暖霽難收澁浪涵瓊甃晴陽正  
綵旂卷衣輕髻嬾窺鏡淡蛾羞屏掩芙蓉帳簾幕玳瑁鉤  
重瞳分渭曲纖手指神州御案迷萱草天袍妬石榴淥岩  
藏浴鳳鮮隰媚潛虬不料邯鄲蛭俄成即墨牛劍鋒揮太  
皞旗焰拂蚩尤內嬖陪行在孤臣預坐籌瑤簪遺翡翠  
仗馬驕馬艷笑雙飛斷香魂一哭休早梅悲蜀道高樹隔  
昭丘朱閣重霄近蒼崖萬古愁至今湯殿水鳴咽縣前流  
過新豐



驪岫飛泉泛暖香九龍呵護玉蓮房  
明皇每幸長生殿不從金輿唯壽王

過華清內廐門

華清別館閉黃昏碧草悠悠內廐門  
自是明時不延幸至今青海有龍孫

繡嶺宮

繡嶺花殘翠倚空碧窓遙砌舊行宮  
閒乘小馬濃陰下時舉金鞭半袖風

過華清宮二十二韻

溫庭筠

憶昔開元日承平事勝遊貴妃專寵幸天子富未暇自

熱宮遠出北原斜生死流恩不至家雲雨今歸何處去  
鸝飛上野棠花

驪泉

祖孫登

驪泉紫闕映珠浦碧沙沈岸濶蓮香遠流清雲影深風潭  
如拂鏡山溜似調琴請君看皎潔知有淡然心

華清宮

杜常

行盡江南數十程晚風殘月入華清朝元閣上西風急都  
入長楊作雨聲

夜雨晨霽

栢葉青青檠葉紅高低相競弄秋風夜來雨後輕塵歛繡



一劍乘時帝業成  
沛中鄉里到咸京  
寰區已作皇居貴  
風月猶含白社情  
泗水舊亭春草遍  
千門遺瓦古苔生  
至今留得離家恨  
鷄犬相聞落照明

羯鼓

崔道融

華清宮裏打撩聲  
供奉絲簧束手聽  
寂寞變真斜谷裡  
是誰翻得雨淋鈴

繡嶺宮詞

春草萋萋春水綠  
堦棠開盡飄香玉  
繡嶺山前鶴髮翁  
猶唱開元太平曲

迨御帳日邊開

翠幕朱帷敞月營  
金罍玉斝泛蘭英  
歲歲年年常扈蹕  
長久久樂承平

贈張雲容舞

楊貴妃

羅袖動香香不已  
紅渠裊裊秋烟裏  
輕雲嶺上乍搖風  
嫩柳池邊初拂水

津陽門詩并序

鄭嵎

津陽門者華清宮之外闕  
南偏禁闥北走京道  
開成中嵎常下帷於石甕  
僧院多聞宮中陳迹焉  
今年冬自虢來暮及山下  
因解鞍謀食客旅邸而主翁年且艾自言



出驪山嶺上宮

華清宮二首

吳融

漁陽烽火照函關，玉輦匆匆下此山。  
一曲羽衣聽不盡，至今遺恨水潺潺。

四郊飛雪暗雲端，惟此宮中落旋乾。  
綠樹碧簷相掩映，無人知道外邊寒。

駕幸新豐溫泉三首

上官昭容

三冬季月景龍年，萬乘觀風出灊川。  
遙看電躍龍為馬，迴屬霜原玉作田。

鸞旗掣電拂空回，羽騎參差驛蹕遲。  
景來隱隱驪山雲，外聳迢迢

射熊搏虎衆莫敵彎弧出入隨攸飛

開元中未有飛  
策軍但以六軍為親

衛此時初創觀風樓簷高百尺堆華攘樓南更起闢鷄殿

晨光山影相參差

觀風樓在宮之外東北隅屬夾城而達于內前臨馳道周視山川寶應中魚朝

恩毀之以修章敬寺遺址尚存

其年十月移禁仗山下櫛

比羅百司朝元閣成老君見會昌縣以新豐移

時有詔改新豐為會

昌縣移自陰盤故城置于山下至明年十月老君見於朝元閣南于其見處置降聖觀復改新豐為昭應縣辟宇始

成令大將軍高力士率禁樂以落之幽州曉進供奉馬玉珂寶勒黃金羈安

山進馬必殊特而極銜勒之飾

五王扈駕夾城路傳聲校獵渭水渚六軍

合出射犀兕弋徒絡野張置維雕弓繡鞞不知數翻身滅

沒皆蠶著赤鷹黃鸝雲中來妖狐狡兔無所依人煩馬殆



及事明皇夜闌酒餘復為嶠道承平故實翌日於馬上  
輒裁刻俚叟之語為長句七言詩凡一千四百字成一  
百韻以門題為之目云耳

津陽門北臨通達雪風獵獵飄酒旗泥寒款段蹶不進疲  
童退問前何為酒家顧客催解裝案前羅列樽與卮青錢  
瑣屑安足數白醪軟美甘如飴開壚引滿相獻酬枯腸渴  
肺忘朝饑愁憂似見出門去漸覺春色入四肢王翁移客  
挑華燈瘦肩隱膝烏帽欹笑云鮐老不為禮飄蕭雪鬢雙  
垂頤問余何往凌寒臆顧翁枯朽郎豈知翁曾豪盛客不  
見我自為君陳昔時時平親衛號羽林我絕十五為孤兒

多春風風中數日殘香遺馬駒吐沫一奮迅路人擁簪

珠璣

事盡載國史中此下更重叙其事

八姨新起合歡堂翔鵬賀燕無上

窺萬金酬工不宥去矜能恃巧猶嗟咨

虢國創一堂價費萬金堂成工人償

價之外更邀賞伎之直復授絳羅五千段工者嗤而不顧虢國異之問其由工曰某生平之能殫於此矣苟不之信願得螻蟻蜡蜴蜂蠆之類去其目而投于堂中使有隙失一物即不論工直也于是又以繒絲珍貝與之山下人至今話故事者尚以四方節制傾附媚窮奢極侈沽恩私堂第行呼諸姨焉

中特設夜明枕銀燭不張光鑒帷

虢國夜明枕置於堂中光燭一室西川節度使

所進事載國史畧書之

瑤光樓南皆紫禁梨園仙宴臨花枝迎娘歌

喉玉窈窕蠻兒舞帶金葳蕤

瑤光樓即飛霜殿之北門迎娘蠻兒乃梨園弟子之名聞

者三郎紫笛弄煙月怨如別鶴呼羈鷁玉奴琵琶龍香撥



禽獸盡百里腥羶永黍稷

申王有高麗赤鷹岐王有北山黃鵠逸格奇姿特異他等上甚

之暖山度臘東風微宮娃賜浴長湯池刻成玉蓮噴香液

漱迴煙浪深逶迤

宮內除供奉兩湯池外更有十六所長湯每賜浴諸嬪御其脩廣與諸湯不侔

甃以文瑤寶石中央有玉蓮捧湯泉噴以成池又縫綴綺繡為鳧雁于水中上時于其間泛銀鏤小舟以嬉遊焉

犀屏象薦雜羅列錦鳧繡雁相追隨破簪碎鈿不足拾金

溝殘溜和纓綫上皇寬容易承事十家三國爭光輝繞床

呼盧恣擲博張燈達晝相謾欺相君侈擬縱驕橫日從秦

虢多游嬉朱衫馬前未滿之更驅武卒羅旌旗

楊國忠為宰相帶劍

南節度使常與秦虢聯轡而出更于馬前以兩川旌節為導也

畫輪寶軸從天來雲中笑

語聲融怡鳥鞭後騎可憐深宮妝襟袖皆仙姿青門

秋月無雲  
歸月中秘樂  
天平閣丁  
增玉石和  
增虎宸  
聆聽覽未  
終曲

却到人間  
遂是非  
歸且記  
情真事  
遂於箇  
中寫之  
會西華  
都督揚  
敬述進  
婆羅門  
曲典其  
聲調相  
符遂以  
月中所  
聞為之  
敘序用  
敬述

名寔  
實同  
衣法  
曲  
千秋御  
節在八  
月會同  
萬國朝  
奉夷元

萬壽  
南大合  
樂八音  
九奏  
齊來儀  
都盧  
昇植  
絃  
離  
鼓  
公  
攝

劍使  
方神  
舟馬  
知舞  
徹下  
牀榻  
人惜  
曲終  
更時  
夜

為千  
秋  
歸  
當  
時  
號  
為  
雄  
妙  
又  
說  
連  
榻  
令  
馬  
舞  
其  
上  
馬  
衣  
統

今會  
殿  
觀  
九  
綺  
仙  
髻  
衣  
扎  
雀  
翠  
衣  
佩  
七  
寶  
璽  
珞  
為  
霓  
裳  
羽

衣之  
類  
曲  
終  
珠  
翠  
可  
擇  
其  
舞  
馬  
安  
祿  
山  
亦  
將  
數  
匹  
以  
歸  
而

私習  
之  
其  
後  
田  
承  
嗣  
代  
安  
有  
存  
者  
一  
旦  
於  
殿  
上  
聞  
鼓  
聲  
頓

下

始以  
聖日



倚歌促酒聲嬌悲琵琶其樂聞于人間者有避世擅為擅

龍香柏為樓者上每執酒處必令迎娘歌水調曲遍而太

真輒彈弦倚歌為上送酒內中皆以土為王郎五奴乃太

字也飲鹿泉邊春露晞將梅檀杏飄朱墀金沙洞口長生

殿玉蕊峯頭王母祠山城內多馴鹿流澗號為飲鹿有長

沐浴也長生殿以禁庭術士多幻化上前較勝紛相持羅公如意

奪顏色三藏袈裟成散絲上頗信崇羅公遠揚妃尤信金

聖殿忽然背痒公遠折竹枝化作七寶如意以進上大喜

願謂金剛曰上人能致此乎三藏曰此知術耳僧為陛下

取真物乃于袖中出如意七寶燭耀而公遠海進即時復

為竹枝後一日楊妃始以二人之優劣時禁中將劍小殿

三藏乃舉一鴻梁在空中將中公遠之首公遠不為動容

上連命止之公遠飛符于他處竊三藏金襴袈裟于懷中



師征往一夕無禁彭王車順重臣南顧泣訴祿山反狀云

臣幾不至生返上猶疑其言復遣使喻云我為卿造一湯待卿至使回答言反狀工然後憂疑即冠軍至潼關矣

九門回望塵空多太龍夜馭兵衛疲縣官無人具軍頓行

宮徹屋屠雲竊時郊畿草擾無御頓之倫上命馬崑驛前

駕不發宰相射殺冤者誰長眉鬢髮作凝血空有君王潛

涕淚青泥坂上到三蜀金堤城邊止九旂移文泣祭昔臣

暮度曲悲歌秋雁辭駕至蜀詔中貴人馳祭張曲江墓悔

水調辭云山川滿目淚沾衣富貴榮華能幾時不見只今

人詩後臣對曰此李嶠詩復明年尚父上捷書洗清觀闕

收封畿兩君相見望賢宮君臣鼓舞皆歡歡望賢宮在咸陽之東數里



其舞庭人惡之舉警以擊之其馬尚為極未妍妙因更  
 擊宛轉曲盡其態厥恐以告承嗣以為妖遂戮之而舞  
 祿山此時侍御側金鷄畫障當果惡繡初衣祿曰  
 此矣

負鼎甘言校計愈驕癡上每坐及宴會必令祿山坐於側  
座側而以金鷄障隔之賜其箕踞

太真又以為子時祿祿戲而加之上亦呼之祿兒每入宮  
 必先拜貴妃然後拜上上笑而問其故祿對曰臣奉蓄中

人禮先拜母然後拜父是以然也  
 詔令上路建甲第樓通走馬如飛輦大

開內府恣供給玉缶金筐銀簋箕時於親仁里南陌為祿山建甲第令中貴人督

其事仍謂之曰祿善為部署祿山眼孔大勿令笑我至于  
 第筐簋箕金缶之具咸金銀為之今回元觀即其故第耳

異謀潛熾促歸去臨軒賜帶盈十圍祿山肥博過人腹垂而緩帶十五圍方周

忠臣張公識逆狀日日切諫上弗疑張曲江先識其必反逆狀數言於上

上曰卿勿以王夷甫識湯成名谷果不至潼關已溢漁陽

得銅牌子刻之曰宜春苑中白鹿上由是愈愛之移於此  
山目之曰仙客二止華清翟嬭公主嘗為上晨名聽按新  
水調主愛起晚遽遺珍珠被而出及冠至倉惶隨駕出官  
後不知省及上歸南內一旦再入此宮而當時翟嬭之被  
宛然而塵積矣上尤感焉溫泉堂碑其石瑩徹見人形影  
官中號為碧菱花覆雲母陵風篁雨菊低離披真人影帳  
頗梨碑

偏生草果老藥堂空掩扉

真人李順興後周時脩道此山神堯皇帝受禪真人潛告符契

至今山下有祠宇宮中有七聖殿自神堯至睿宗逮竇后皆立衣袞衣繞殿石榴樹皆太真所植俱臃腫矣南有功德院其間瑤壇羽帳皆在焉順鼎湖一日失弓劍橋山煙興影堂果老藥室亦在禁中也

草俄霏霏空聞玉腕入金市但見銅臺飄總帷開元到今

踰十紀當初事跡皆殘隳竹花唯養棲梧鳳水藻周遊巢

葉龜會昌御宇斥內典去留二教分黃緇慶山汗瀦石甃



時車駕自蜀回肅宗迎駕上皇自致傳國璽於上上啟敕  
拜受左右皆泣曰不圖今日復覩兩君相見之禮駕將入  
開遠門上皇疑先後入門不決顧問從臣不能對高力士  
前曰上皇雖尊皇帝主也上皇偏門而入先行皇帝正門  
而入後行者老皆呼萬歲當時識者皆是之  
宮中親呼高驃騎潛令改葬楊真

妃花膚雪艷不復見空有香囊和淚滋

時肅宗詔令改葬太真高力士知其

所瘞在馬嵬坡驛西北十餘步當時乘輿匆遽無復備周  
身之具但以紫褥裹之及改葬之時皆已朽壞惟有胸前  
紫綃香囊中尚得水麝香持鑾輿却入華清宮滿山紅實  
以進上皇上皇泣而佩之

垂相思飛霜殿前月悄悄迎春亭下風颼颼

飛霜殿即寢殿而白傅長

恨歌以長生殿為寢殿殊誤矣上皇至明年復  
幸華清宮信宿乃回自此遂移處西內中矣

雪衣女失

玉籠在長生鹿瘦銅牌垂象牀塵凝罨颺被畫檐蟲網頗

梨單太真養白鸚鵡西國所貢辨惠多辭上尤愛之字為

馬龍宮御榜亭可惜火焚牛換臨崕峴孔雀松殘赤瑯玕

鴛鴦瓦碎青琉璃寺額睿宗在藩邸中所題也標于危樓之上世傳孔雀松下有赤茯苓八土千

主則成琥珀寺之前峯古松老柏消兵嘉草今皆已樵蘇蕩除矣今我前程能幾許徒有

餘息筋力羸逢君話此空灑涕却憶歡娛無見期主翁莫

泣聽我話寧勞感舊休吁嘻河清海晏不難覩我皇已上

昇平基湟中土地昔湮沒昨夜收復無瘡痍戎王北走棄

青塚塞馬西奔空月支兩逢堯年豈易偶願翁願養豐膚

肌平明酒醒便分首今夕一罇翁莫違陳氏書錄曰此詩或云鄭愚者非也

愚嶺南節度使非此鄭嶼按此篇計有功唐詩紀事與統籤前後互異統籤較有次第今從之

鴻門行  
宋  
袁  
瓘



毀紅樓綠閣皆支離奇松怪柏為樵蘇童山荷谷凶嶮巖

煙中壁碎摩詰畫雲間字失明皇詩持國寺本名慶山寺德宗始改其額寺有

綠閣複道而上天后朝以禁匠取宮中制度結搆之石甃寺開元中以創造華清宮餘材脩繕佛殿中玉石像皆幽州進來與朝元閣道像同日而至精妙無比叩之如磬餘像并楊惠之手塑脫空像皆元伽兒之制能妙纖麗曠古無儔紅樓在佛殿之西岩下臨絕壁中有明皇題詩草八分每一篇一體王右丞山水兩壁寺毀之後皆失之矣摩詰乃王維之字也

石魚巖底百尋并銀床下卷紅綆遲當時清影

蔭紅葉一旦飛埃埋素規石魚崑下有天然石其形如甕以貯飛泉故上以石甕為寺名

寺僧於土層飛樓中懸轆轤引脩笮長二百餘尺以汲甕泉出於紅樓喬樹之梢寺既毀拆石甕今已埋沒也韓

家燭臺倚林杪千枝爍若山霞摘昔年光彩奪天月昨

銷鎔當路岐韓國為千枝燈臺高八十尺置於山上無

毒龍銜日天地昏八紘變黷生愁雲走鹿無藏處紛  
紛爭處圍成羣四溟波立鯨相吞薄搖五嶽崩山根魚蝦  
舞浪狂鯢龍乾膽戰登鴻門星旗羽蔽強者尊黑風白  
雨東西屯山河欲斷人胸分壯士鼓勇君王存項莊憤氣  
吐不得亞父斷髮上開玉光墜地驚崑崙留侯氣魄吞  
太華舌頭一寸土神農女媧愁不言蛇枯老嫗啼淚  
痕星曹定評稱五霸項籍骨輕迷精魂沛公仰面爭乾坤  
須臾垓下賊星散楚歌聲繞虞人耳吳娃捧酒橫秋波霜  
天月照空城今忽到此離斯懶渡鳥江水新豐



少年買意氣百金不辭費學劍西入秦結交北遊魏秦魏  
多畸人結交亦殊倫由來不相識皆是暗相親寶馬金絲  
轡狐裘貂鼠服晨過劇孟遊暮投咸陽宿然諾本云云諸  
侯莫不聞猶思百戰術愛逐李將軍始從灞陵下遙遙度  
朔野北風聞楚歌南庭見胡馬胡馬秋正肥相邀夜合圍  
戰酣烽火滅路斷救兵稀白刃縱橫逼黃昏戰不息虜騎  
血灑衣單于淚沾臆獻凱雲臺中自言塞上雄將軍行失  
職部曲遂無功新人不如舊舊人不相救萬里長飄飄十  
年計不就弃置難重論驅馬度鴻門行看楚漢事不覺風  
塵昏寶劍中夜撫悲歌聊自舞此曲不可終曲終淚如雨

靈館驪山下開元迹尚遺蓮穿噴玉溜字缺照人碑古殿  
天姿晦真工石匠奇羽衣沈舊曲錦雁失前池不見長生  
鹿猶看連理枝詞雄小杜句意盡老陳詩治亂由斯監賢  
愚共一悲時君自奢儉繡嶺竟何知

溫泉

王素

妃子當時已塵土華清今日盡荒涼後人不管唐成敗猶  
自嚴扃道御湯

驪山靈泉觀

李埏

山原繚繞水縈紆繡嶺屏風列座隅更上朝元最高處饒  
君都看渭川圖



瑞氣生樓臺  
臺高哭愁鬼三尺霜鳴金匣裏神光一  
照八千里漢皇意氣生西南掃地迎天子

繡嶺

邵雍

繡嶺岌層巒  
岩堦十九盤  
微微輕雨後  
杳杳出雲端  
往事金輿遠  
遺蹤玉像殘  
雲心臨渭水  
依舊思長安

華清故宮

馮延登

寵貴羊羔退  
曲江華清霧閣對  
雲宮層巒未了霓裳舞  
還客戲驚羯鼓腔  
簷際疎星疑曉鏡  
天邊晴樹認高幢  
遊人尚喜風流在  
白石涵波皂莢隄

青華可憐吳楚西  
醢雞築臺未就已堪悲  
長楊五柞漢幸免  
江都樓成隋自迷  
從來流連多喪國  
晏安鴆毒因奢惑  
三風十愆古所戒  
不必驪山可亡國

華清宮送陳睦知潭州

華清縹緲浮高棟  
上有纈林藏石甕  
一杯此地初識君  
千巖夜上同飛鞚  
君時年少面如玉  
一飲百觴嫌未痛  
白鹿泉頭山月出  
寒光潑眼如流汞  
朝元閣上酒醒時  
臥聽風鑾鳴鐵鳳  
舊遊空在人何處  
二十三年真一夢  
我得生還雪鬢滿  
君亦老嫌金帶重  
有如社燕與秋鴻  
相逢未穩還相送  
洞庭青草渺無際  
天柱紫蓋森欲動  
湖南萬古一長



華清引

蘇軾

平時十月幸蓮湯。玉甃瓊梁。五家車馬，如水珠璣，滿路旁。  
翠華一去掩方牀。獨留烟樹蒼蒼。至今清夜，月依舊，過  
繚牆。

驪山

君門如天深九重。君王如帝坐法宮。人生難處是安穩。何  
為來此驪山中。複道凌雲接金闕。樓觀隱煙橫。翠空林深  
霧暗。迷八駿。朝東暮西。勞六龍。六龍西幸峨眉。眉棧悲風便  
入華清院。霓裳消散。羽衣空。麋鹿來遊猿鶴怨。我上朝元  
春半。老滿地落花人。不掃。羯鼓樓高挂夕陽。長生殿古生

功成雖善欲持盈可笑爾玉倚太平  
房終廢又華清

幾變雕墻幾變灰舉烽擣鹿事悠哉  
上皇一念前車此  
怨驪山是禍胎

海中方士覓三山萬古明知去不還  
咫尺秦陵是商監  
元何必苦躋攀

華清

朱光庭

驪山秀色古今同盡入詩人感慨中  
只狗霓裳一曲樂不



嗟付與騷人發朝奏

虢國夫人夜遊圖

佳人自控玉花驄  
翩如欽燕踏飛龍  
金鞭爭道寶釵落  
何人先入明光宮  
宮中羯鼓催花柳  
玉奴絃索花奴手  
坐中八姨真貴人  
走馬來前不動塵  
明眸皓齒誰復見  
只有丹青餘淚痕  
人間俯仰成今古  
吳公臺下雷塘路  
當時亦笑張麗華  
不知門外韓擒虎

次韻和子由欲得驪山沈泥硯

爭世爭稱郭瓦礫  
一紋不與百金珍  
豈知好事王夫子

過驪山

金陳規

豐鎬無由問故基  
三章只見黍離詩  
而今多少華清石  
都與行人刻艷詞

驪山

移刺霖

山下驚飛烈火灰  
山頭猶弄紫金杯  
臺高未奏梨園曲  
卧聽風吟阿濫堆

渭水

刁白

渭水秋天白  
驪山晚照紅  
行人迷古道  
老馬識新豐  
霜雪滿歸髯  
乾坤猶轉蓬  
愁來成獨酌  
醉袖障西風



知天下樂無窮

登驪山閣

吳雍

山頭羯鼓湊霓裳  
斷送君王入醉鄉  
凭閣無言念興廢  
孤煙猶起泰陵旁

靈泉觀

蘇莊

劍外空令祭曲江  
歸來悲憤紫香囊  
夾城曉仗空陳迹  
依舊山頭玉女湯

明皇

徐秋雲

太平風月屬三郎  
羯鼓聲高思轉長  
天子錦纏娛虢國  
貴妃音律教寧王  
人歸巫峽山容在  
花落溫泉水更香  
誰信

瀛門宴

楊維貞

天迷關地迷戶東龍白日西龍雨撞鐘飲酒愁海翻碧火  
吹巢溟契猢猻照天萬古無二鳥殘星破月來天隅坐中有  
客天子氣左股七十二子聯明珠軍聲十萬震屋瓦拔劍  
當人面如赭將軍跨馬力拔山氣卷黃河酒中瀉劍光上  
天寒彗殘明朝畫地分河山將軍呼龍將客走石破青天  
撞玉斗

過華清池登驪山至老君殿

章元應

繡嶺縈紆鎖翠烟直從山後過山前老君殿上高回首依  
舊長安在日邊



驪山

元馬祖常

玉女泉邊翠藻多  
石池涵影媚宮娥  
可憐繡嶺啼春鳥  
猶似梨園弟子歌

題明皇春宮按歌圖

龍從雲

華清宮殿春沉沉  
宮門楊柳垂黃金  
玉環新度霓裳曲  
曲聲酣動君王心  
融融汗體生春困  
芙蓉露白桃花嫩  
可憐飛燕在昭陽  
李白文章有遺恨  
樹頭花暖鶯啼早  
滿院嬪妃總含笑  
門外千官罷早朝  
三郎沉醉不知曉  
漁陽回首飄風塵  
花鈿委地徒霑巾  
嗚呼我今展圖似閱史  
有圖有

家當此

噴水當晴山水在天上一水還流榮莫以六宮粉黛不敢  
唾今日行人聞來洗

新豐歌

來復

乾鷄官庸費無數驪山工徒泣滿路隆準奮戈虎狼什營  
中紛紛獻牛脯教倉成臯策已獲幾年喧虺困京索鼎上  
之翁夾新宅鷄犬聲中鄉夢夕沛碭悠悠千里地五色難  
移天子氣大風歌罷兩行淚千秋萬歲精魂至文叔柔道  
終始存酒酣諸母歡且論父老願蠲租十年南頓春陵同

聖恩

驪山

李夢陽



華清宮

劉仲殷

金粟堆前鳥弄風  
朝元閣上晚鳴鐘  
美人粉黛埋黃土  
湯殿潺湲響玉淙  
自昔詩人悲黍稷  
當時太液笑芙蓉  
不須重作高唐賦  
蜀道巫山十二峰

溫泉宮行

明張羽

煌煌帝業三百年  
驪山宮殿空雲煙  
美人艷骨為黃土  
山前不改舊溫泉  
溫泉雖在君王去  
芳草萋萋宮路泉聲  
如泣日將暮  
山鷄亂鳴上林樹  
憶昔玉環賜浴時  
紅樓綺閣香風吹  
頭上寶釵涼欲墮  
蓮步輕扶雙侍兒  
有客今年曾過此  
宮牆頭到山色死  
虎旅知更不復聞  
池上玉龍猶

征龍死茫礪山旁匿天子澤中夜聞白虹起霸上卓者亦  
雲起君不見劉郎供帳出秦宮宮中火照三月紅英雄為  
謀自有術亞父徒知殺沛公

驪山溫泉

王格

咸關無雕輦驪山尚浴泉湯池同野壑水殿祗寒煙月冷  
新豐路沙沉渭浦田行人漫投足誰識濯龍年

經始皇墓

喬世寧

雄圖不可見墟墓亦無憑寶藏應先發泉官侈後稱只餘  
殘燼月長作萬年燈山下東原道人說霸陵

過華清宮浴溫泉

袁宏道



繡嶺花仍繡湯泉滿故宮禁池人自浴新月古應同玉殿  
興亡後青山涕淚中千岳歌吹入猶思翠華東

過華清殿

何景明

冬駐華清殿千秋憶翠華青山無帝宅荒草半人家雪下  
湯泉樹春回繡嶺花長安望不遠誰見五陵霞

鴻門行

沛公昔日分義軍旌旗十萬西入秦山東諸侯皆後至咸  
陽萬姓思為臣項王東來怒如虎置酒朝會鴻門下門前  
壯士擁盾入座上小臣拔劍舞無雄較勝未可量相看杯  
酒成倉皇揮刀碎擊玉斗碎擲帶空懸寶玦光沙邱城邊

門喜喜屹屹日光濫雲霧寒漠舞劍三寸珠壯士入目  
皆拆謀臣怒玉斗裂網彌天龍有翼龍一去難再得

司農笏

司農手中無寸鐵奪笏擊賊賊腦裂賊雖未死氣已折奉  
天天子雙淚橫十年棄卿真負卿臣身區區勞記憶平原  
太守曾未識

新豐行

長安風土殊不惡太公但念東歸樂漢皇真有縮地功能  
使新豐為故豐人民不異山川同公不患歸樂關中漢家  
四海一太公俎上之對何匆匆當時幸不棄老翁



鏡澈古苔光溪風湛碧香花猶知世代水不鮮興亡粉黛  
山川俗烟泉歲月長而今正好景石骨照蒼涼

十六長湯院阿誰似玉環故宮秋草裏小色水聲聞童子  
驅羊去邨姑賽廟還教他揚廣笑破國只驪山

羯鼓弄伊涼露花石火光山餘繡嶺字雲染碧螺香芍藥  
留妃子鸚哥說上皇難將脂粉水傲我白雲鄉

驪山

張原

烽火空餘百尺臺華清宮殿已成灰兩家失國由妃子  
日行人謾自哀

鳴門高

李東陽

松柏蔭岩石石根汨汨溫湯瀟昔日明皇輦道開離宮樓  
榭高崔嵬紅英鼓折三春雨綠閣車隨十月雷綠閣紅英  
亂如霰十月三春閨婉孌翠袖翻浣皂莢分羅襦小隊開  
華殿美人夜試宜春湯玉環雪泛藕絲香轉羽移宮按歌  
歌行春還過打球場望京塵起日復暮巧笑輕輦不可駐  
九殿朝停繡嶺雲千門夜暗新豐樹惆悵西風千古苔無  
人更上集靈臺獨憐一片窺林月夜夜靈泉觀裏來

望驪山

樊英

遙望驪山翠靄間幾回如向畫中看泉通遠近蓮花暖雲  
鎖東西繡嶺寒形勝嵯峨臨渭水煙嵐縹緲接長安感懷



浴溫泉已登驪山

左懋第

驪山下有泉其氣作蕙蘭親彼泓潔色如掬碧琅玕吾體  
為之輕仰睇古虬蟠聳身石柏路天風吹腋寒幽香接京  
息柏枝葉可餐耳目恣所閱如欲生羽翰

溫泉

華清宮殿傍蘭湯人指驪山說盛唐老柏危巔霜雪幹却  
憐當日浴鴛鴦

華清宮歌

于若瀛

秋風昨夜入華清  
楓葉泉聲相應鳴  
露白草寒斷行跡

麥剝凍分足  
黃衣  
赤麗山下氣  
下火迎散原野

沈卓不降上峰無復作花傳  
鼓空餘流水尚留鐘  
豪華一謝都如夢  
遮莫青山暗幾重

和何提學過華清殿韻

呂 枏

古殿樓岩石客懷  
愴物華碧雲猶繡  
嶺春月照誰家  
戲水鷗如雪  
新豐樹自花  
長空一鳥過  
白日好餐霞

月夜遊華清宮

許宗魯

水殿開元作驪宮  
甲夜遊瑤扉迎畫  
燭香谷漲春流  
月影林花細  
風聲苑樹稠  
行雲凝不散  
千古玉環愁

華清宮

王維楨

禁沼人能浴  
禁垣草自荒  
斷山銷王氣  
廢閣罷霓裳  
樹任



更上朝元閣落日蒼涼獨倚闌

謁段太尉祠

朱允昌

太尉荒祠草樹幽停車斜日薦蘋羞  
禦梟叛卒頭忻戴笏委空堂血尚流  
死事真堪述遠並成功未許晟城優  
低回詞客難為賦千古雄文煥柳州

登驪山觀虎斑石

武之望

蒼翠鬱嵯峨石根帶薜蘿  
龍蛇巢樹杪虎豹宿山阿  
夕照穿林迴  
菲鋪地多巉崖迷去路  
隔嶽聽樵歌

遊溫泉

翠輦當年駐九龍  
魚池舊日舊芙蓉  
苔深七聖祠前砌  
月

夾水兩廡垣新豐名如故吳寬人已非  
雞犬復何處不知櫟陽幾多宮前樹  
芭陽一片雲長陵千年墓伊昔擁篲  
時父子得無誤

### 華清宮歌

孫爾思

秋日返景明驪山有客行吟碧澗灣  
獨酌離宮寂無事却憶開元天寶間  
崇景贊襄調玉燭朝宇不復容諛奸  
貞觀之風時再見直與房杜相追攀  
一朝進用楊與李却解乾綱付妃子  
祿兒宮中洗賜錢舞馬棧邊鳴曳綺  
錦鳬繡雁浮蓮湯珠璣寶珞出金水  
鸚鵡猶傳般若文伶工盡識霓裳技  
樂極生悲自古然褒姒殷周同一軌  
七夕女牛何渺



元猿嘯泉留碧砌光岳梅不知變猶自發寒香

題溫泉

薛瑄

唐家天子愛溫泉故起離宮繡嶺前  
山上朝元金作屋院中湯井玉為蓮  
錦鳬曾泛當時水香木還聞舊日船  
賜浴未終輦鼓動臺池流恨自年年

溫泉

楊慎

天寶繁華迹已陳朝元閣上玉嶙峋  
山頭寒樹深埋雪池面溫泉別貯春  
歌舞聲留供奉曲珮環魂斷屬車塵  
可憐一片離宮月曾照當時同輦人

遺蹟今當年羨巨公重臨川渠政草道至今挑  
騎春風摩挲更覽壁間字不覩許西與北地大復山人  
興來筆鋒揮灑虬龍勢吁嗟往事今千年客行弔古競  
云然鐫琢亦欲歸高詠心折春回繡嶺篇

李清懷古

春

訪驪山開元遺事華清故宮歎長生殿裡獨留寒月朝  
元閣主文起西風仙樂無聲龍去盡霜霰依然飛滿空添  
長恨是花開桃李葉落梧桐回思唐運方隆正曲奏霓  
裳猶未終乍漁陽鼙鼓一聲動地白衣紅袖各自西東烏  
啼延秋鈴鳴棧道驛騎紅塵何處紅空腸斷溫泉錦波千



茫驚鏡駭鼓聞漁陽內人紅袖不知處鑾輿出狩驚叢鄉  
奸諛雖已膏斧鉞女戎尚存禍未歇環上羅衣良可哀倉  
卒何人樹銘碣牧兒但拾馬鬼粉野嫗空留錦綉襪雨淋  
鈴聲清且悲能使六龍遲不發紫褥光銷玉骨冷蚶殼南  
來騎猶騁佛舍殘梨幾度花懷得香囊你悲哽日南龍腦  
爭馥郁無由更致明駝足琵琶香板響寂然瓔珞空傳舊  
舞曲西望雲梢飛錦城北瞻日月光重明行在時方駐靈  
武宸遊不復來華清華清久閉驪山麓一代繁華見麋鹿  
樓臺風葉飛壯蒿珠翠塵根生苦竹盲窠藻井巢螭螭靈  
扉亘衣帝鵲鳴煖水不知時代更猶向舊苔自回伏

零落得之不異魯靈光  
午夜燒燈勤簡院  
奇文拒賞豈尋常  
濟南山水稱雄秀  
二趙鴻名誰可當  
酒酣高歌公莫舞  
清詞麗句玉琳琅  
嵩山高士巖廊侶  
論文雅欲渺蒼桑  
有時握手長生殿  
宜春綵閣半斜陽  
秋風落葉長安道  
坐看  
教監下牛羊  
寒窗秦陵金粟裏  
明皇秦陵在金粟山今蒲城縣  
至今猶似  
怨香囊請君更續清平調  
為我從頭說上皇

華清宮

開元天子幸溫泉  
萬乘旌旗擁渭川  
一自馬嵬鈴雨後  
華清清夢杳如年

按歌臺上新聲歇  
羯鼓樓邊夕照紅  
莫向行人頻問古  
杏



古中

卷八

五十三

華清宮歌為宣四作兼呈張潛谷

康乃心

君不見華清宮裏月如霜  
華清宮外草茫茫  
客行時向  
山路繡嶺東西落日黃  
開元自昔稱金盛  
薄海清寧岳牧  
良巡遊却上朝元閣  
萬騎千官如會昌  
荔子飛來妃子笑  
梨園法部奏霓裳  
高樓羯鼓驚花柳  
爛熳玉環睡海棠  
溫泉一片芙蓉露  
承恩歲歲沐蘭湯  
哥舒催戰潼關破  
烽火滿天塞馬強  
劍門西去離宮暗  
玉輦西來草樹荒  
念奴淪落龜年老  
世間萬事總淒涼  
我行此地尋遺跡  
昭應官衙

下離宮有賜錢

舞罷驚鴻歲月徂長門深閉長青蕪君上自愛玉堂

記東樓一斛珠

內殿傳呼菊部頭梨園弟子按梁州善才零落龜年老渭

水猶明羯鼓樓

蜀王音信渺天涯青鳥西飛口又斜  
絳粉殘香誰得見承

恩只有玉蓮花

鳳凰原下鹿櫺旁虢國夫人有賜莊無數青山學眉黛

誰入合歡堂



花零落舊離宮

臨潼道中次周澹園韻

劉元勳

驢馬長林外秋風雁字斜  
山高懸碧嶂水細漾寒沙  
目斷新豐樹雲開繡嶺華  
不須通姓字直到故人家

石甕寺

王士正

當年石甕寺曾對集靈臺  
青雀無迴信黃虬是禍胎  
朝雲何日散山月至今來  
坐久流僊梵松風薄暮哀

驪山懷古八首

鷓鴣何年問上皇  
野棠風折綠垣長  
銷魂此日朝元閣  
親

題石竇谷產道士硯雲洞

引發后

百尺懸崖上古柏自青青縹緲煙無際  
凝然一草亭草亭之內何所有黃冠趺坐更無偶  
無梅無鶴誰是伴白雲飛來為良友

寄懷臨潼張康千明府

王孫尉

已子城頭春風起桃花千出紅更紫  
嘒嘒山鶯聲亂啼回望秦關千萬里  
前日捷書過劍門狼烽於今息戰壘  
卓魯從來重力田傳聞買犢自此始  
鳳凰原上柘陰深鸚鵡谷中杭苗美  
堂縣宓子五絃琴案對任棠一盃水  
鴻門一別棧雲高  
清夢時來依孔邇扁舟五月下三湘  
百丈嫋嫋動



不復黃衫舞馬牀更無片段荔枝筐祇餘今古青山色  
與詩人弔夕陽

空城幾曲水潺潺松柏淒涼滿舊山輦道無人秋草合  
年鳴咽到人間

### 銅人原

宮門漢月渭川波天本無情奈若何  
今日荒原逢薊子愁將銅狄更摩挲

### 秦始皇冢

下鑿三泉銀作池一朝猶發牧羊兒  
不知地底連機弩曾

幾年事行役來往驢山麓繫馬垂楊下歷覽壺心世古殿  
山出泉陰厓火生木此時誰與偕俯仰感幽獨使君何日  
至道風化頽俗嵐光映綬帶山鳥下庭竹閱世發長謠懷  
人動遐矚嗟余久倦遊索居歎鷗伏迢遙念良晤有如車  
錯轂昨日潁川客新詩把盈軸欣見大雅作高懷軫空谷  
一言感知已不辭再三讀沉吟宇宙間素心尚有屬風義  
高雲霞人才等穀玉塵囂忽欲盡勝過湯泉沐安得矯凌  
翮更傍華清宿

華清殿次大復韻

許孫荃

追歡迎艷質傾國聞繁華色奪君王寵光生姊妹家棟飛



頻並他日獲光朝玉京好向天涯寄雙鯉

風王谷禱雨

趙于京

朝出集鳳門禱雨東南谷樹迎少女風水落藍田玉麥畹  
今已稔彌望黃茆禿不見月宿井空談火生木伏讀風伯  
碑知神靈感速齋戒譔牒文且向潼泉沐惻念此下民倚  
犁種秋穀安得西行雨由晉而達蜀

鴻門坂張留侯樊舞陽侯祠

鴻門萬馬飲河流間道還軍入並溝可識披帷立西嚮精  
神單注舞陽侯

懷趙香波臨潼明府

吳震

馬嵬魂斷後  
松柏向啼血  
怨黃昏

驪山

張開宗

石魚岩上任盤紆  
渾似王維舊畫圖  
此日心猶驚世網  
何年手自劖松腴  
茫茫雲腳時高下  
簇簇巖頭乍有無  
休問華清興廢事  
朝元飛閣即蓬壺

華清宮

羯鼓樓空野草荒  
溫泉嗚咽故宮旁  
誰憐蜀道回鑾日  
西內沉沉閉上皇

長生古殿道人家  
繡嶺東西不見花  
遮莫霓裳歌舞地  
蒼烟老樹夕陽斜



連理木池種並頭花行樂空回首荒臺祇落霞

驪山懷古

六龍曾此逐嬋娟賜浴華清更賜錢  
禁沼草荒空輦道行人不住到溫泉

渭上邨居

劉曾

白社樽前約青山雨後看歌幽懷節氣諄易識盤桓出處  
憐殷浩風流媿謝安莫言慵不起新試釣魚竿

驪山懷古

金世揚

長生殿跡已無存玉蕊峯連集鳳門蹈海釵還心已竭浴

湯人去水酋溫花留寶殿春色霞散芳林結綬痕一白

知一滴是新恩

華清宮

楊庾

白鳬隨雁雁不飛蓮花漱玉金露稀  
銀鏤何處相光輝朝元天子揚龍旂  
鸚鵡一曲蜀鳥啼美人環佩秋風吹  
秋風吹墮金粟驪山夜雨鳴寒竹  
過客猶疑天上曲

橫渠古柏贊

莊大中

院有古柏一株上偃旁軋生枯半焉  
相傳橫渠先生所植緬皋比之已邈  
撫手澤以猶新懼然異之敬綴以贊  
有木屈蟠質勝而野如斧斯劈存焉  
者寡旁茁一枝翠覆檐瓦塊兮春迴  
得氣融治念彼條肄肇自拱把葆其  
天和



題秦虢二夫人遊華清圖

田雯

楊家姊妹貌相當  
竝馬朝天聞艷粧  
如此傾城好顏色  
蒙塵不悔是三郎

泉暖花明落照紅  
登牀舞馬御樓通  
笑他赤鳳輕相妬  
不與昭陽故事同

題明皇羯鼓樓

喫虛誰復笑三郎

喫虛見李義山  
宣子詩

日醉佳久錦瑟旁  
但惜華

清宮樂沸半聞羯鼓半霓裳

浴溫泉

賈鉉

華清宮廢水西溫  
賜浴千官想  
像存今日玉壺心  
更濯顏

人生苦艱虞忠孝寔基之有時巾幗彥常好似男兒清明  
出西郭寒林春草滋古墓頗仁整兩兩分壇麓村姑五六  
人壘土燒柏枝麥飯雜新蔬未識祭者誰答云昔四女親  
老弟忍離痛乏膝下人共矢守青閨紡績足甘旨焉用把  
鋤犁親死終不嫁庶以酌夙期倏忽賊氛起白刃逼相隨  
計脫並投繯髮膚葬在茲可惜朝代遠姓氏無由知余聞  
重歎息轉怪數何奇女生夫為冢母家為結襦從義不從  
恩胡獨顧我私淪陷滿衣冠日月莽蔽虧差爾紅粉質決  
志竟何為大道有重輕權衡貴得宜下以砥愚俗上以振



澤以爾雅風來草堂愛莫能捨銘亦有言賢其秀也我師  
先哲化雨露灑桑梓必恭敬立為社以時誦習于林之下  
我者培之我心斯寫

驪山

陸象拱

天寶年來事不同驪陰蕭索故離宮  
泉如有恨聲聲咽花  
不禁愁淡淡紅鐘動碧雲齋殿冷  
馬嘶青草舞床空  
憑臨無限傷心處  
都在西風落照中

驪山懷古

汪洋

春風繫馬綠楊枝  
墜鳥遺鈿記  
往時惟有溫泉依舊煖  
秦

戎口月先起青

朝元宮時王翬初置地其地其言云此地波瀾  
融阿鷓鴣湯溫 依然一片華清月照紅樓鐘鼓間送朝昏  
歲歲春風空山花笑禽言登臨華髮歸來客悵陰符一篋  
空存傍雲根從此幽栖擬結閑園

始皇陵詠 始皇作陵驪山天下送徒至七十萬陳項旋  
起元宗環驪山為宮脩極侈麗卒釀安史之禍此千古  
大戒袁管諸作有殷鑒不遠之意焉故取詠始皇陵六  
首華清宮三首為藝文啟

袁枚

生則張良椎之荊軻刀死則黃巢掘之項羽燒居然一坏



皇維孰云肢體弱天地備扶持即今拜掃者可以徵民瘼  
柱下無汗簡人間有淚碑山青水復白芳踪其永垂

前題

詹兆蛟

荒邱古樹鎖烟霞兩兩分行驛路斜却怪木蘭事未了終  
年泉室在夫家

前題

薛昌祺

漢唐陵寢遍秦中劫火頻遭一手空獨有四貞留片壘土  
人長此泣秋風

高陽臺詞

張四科

今空因公三春朝陽三月歲五川  
詔遣特公祀市三大  
官騎馬踏塚過不擲天家一柱香

前題

管世銘

平生每讀秦本紀頗怪始皇脫三死一不死荆卿七把袖  
袖絕王得起再不死漸離筑實筑以鉛雙不復最後險絕  
博浪椎副車一中聲如雷祖龍豈亦有天命三十六年獲  
終令奈何南塋駟山隈戌卒夜叫函關開詩書餘燼未銷  
歇反風遂使阿房灰乃知扶蘇未北輶輶返秦祚不應若  
是短嗣王足蓋前人愆雖百趙高几上鸞殺秦一君乃有  
君子房幾作秦功臣豈知假手少子亥毋俾育種屠獮獮



尚在臨潼郊隆然黃大浮而高祖龍邯鄲兒竒貨居大賈  
鳶目而豺聲橫絕萬萬苦既滅周家八百年更埽三皇五  
帝如灰土長城一帶中華墻金人閃爍青銅光虎視六合  
內自非天崩地拆何所妨只恐悠悠白日沉扶桑高登泰  
岱山大呼海船來童男童女三千人尋花採藥金銀臺赭  
山鞭石鼉鼉走惟有蓬萊宮闕無人開歸來不作神仙遊  
轉身翻為白骨愁上象三山下錮三泉鑿之空空如下天  
百夫運石千夫舂魚膏蜃炭橈拊封美人如花理白日黃  
泉再起阿房宮水銀為海捲身瀉依然鮑魚之臭吹腥風  
麗山之徒一火焚犁耙橈打來紛紛珠襦玉匣取已盡至

但鉅漆復設機弩如驚雷骨枯何待工匠泄羨門一閉萬  
鬼哀三泉既穿祚随促函谷忽破重瞳來發以千人運累  
月陰金陽王俱成煨蒼蒼復道修无裂寶物乃是前車危  
吁嗟沛公約先入何獨使羽相燒摧乃知沐猴隆準悉天  
授不然關中豪傑非楚材

前題

錢維喬

秦帝掃八極死塋驪山旁橫然虎視心久與塵銷亡當時  
役徒七十萬盡闢幽房作遊觀障泉却使東西行下銅三  
淵地脉斷臣斯昧死言築陵陵已堅鑿之不入燒不然陞  
下居此億萬年海不自流於遐荒日不自懸於扶桑人非



亡秦者胡又必楚始皇身存籍如許蒼壁直獻鎬池君誹  
謗之刑空偶語水銀江海黃金晃朽骨安知殉鮑魚西來  
重瞳怒一掘遂令萬代陵寢生艱虞歌莫哀君勿恐功德  
在人終不動樵採無侵柳下壟陳涉何人但顙頤異代猶  
為置守塚

前題

錢 錯

麗戎之山高崔嵬道旁敗石今纍纍其東五里始皇冢牛  
羊秋牧眠蒿萊嬴秦苛政及土壤不獨黔首罹其災鯨吞  
一日冀百世離宮未竟謀泉臺刑人徒隸七十萬丞相斯  
出親督催上列雲漢下川瀆人膏魚燭飛寒灰叩之空

帝者求仙無黷武秦政雄才降萬古荒圻金雁使心哀遠  
夢神山浩無主當時東封北築城六國侯王盡奴虜刻畫  
篆籀頌功德鞭笞仙靈走風雨美人鐘鼓接咸京却從滄  
海希長生破除封建竟終古崇尚法律徒愚氓焚書銷兵  
兩奇絕事雖不久天下驚虎視千年餘怨在楚炬西來形  
勢改丹漆幽泉恨渺茫牛羊故隴搜精彩入關豎子一成  
名異代離宮不相待昭華玉琯商飈吹誰憶地市魚燈迴  
蓬池瀛館自秋色茂陵劉郎安在哉

前題

錢孟鈿

驪山高復高落日霾荒臺西風吹白道不見幽宮開秦政



元氣是駐朽徒葆死骨安能長可憐輶輶夜半發祖龍今  
年竟不活美人鐘鼓散如雨三百離宮唯落月我思嬴政  
才亦是真英雄利觜啄六國戈甲為之空誠然逆取能順  
守何必長城北築連高穹扶蘇不逐付大統蒙恬為將權  
兵戎縱不能一世二世至萬世沛上何有隆準公豈知豺  
聲自堯禹天下箝口不得語獨有淳于一博士早識刑威  
失枝輔咸陽三月劫火吹一朝金鳧飛作灰冶銅塗漆竟  
何力羸羊兩角驅之開昔時渭水爭挽石今日土花悲蝕  
碧乃知上古之世不樹墳後來達者揚王孫

前題

崔龍見

者張韓前瑤華作樓花萼與勤政修靡何有華清宮承平  
行樂在垂暮女戎邊禍交相攻前何精明後憤瞋靡不有  
初鮮克終華清之宮驪山是玉殿千重皆連屬帝輦恒從  
十月來羽騎雲旂映山綠就中湯泉十八所海棠窠好晴  
流馥鳳吹紛隨瓊甃生蛾眉艷入鉛波曲有時浴日起風  
雨石龍鱗奮驚難逐千年但有周垣長新豐樹色猶蒼蒼  
沉香大槿杳何處何況羯鼓酣春光羅衣環上一朝繫朝  
元夜月空淒涼西行帶得蜀鵲返至今啼遍荒臺旁君不  
見清渭東流恨無已長安幾見金人徙周家烽火唐鼓輦  
亡國都由一妃子



昔亂紀刑殺如霆雷鯨吞六國盡聲色非仙才童女不復  
還龍戰飈輪摧寄言鑄池君英雄安在哉千人競謳唱運  
石清渭隈築之崇三墳下鑄泉水來黃金作天地日月為  
樽壘銀海停不流人膏燦無灰飛蠶三十箔一一紅玫瑰  
知埋幾皓齒何論萬匠哀可憐閉衰草虎視斂寸坏雖令  
地成市難買青陽回作使天下傾何待長城催楚炬與牧  
火兩災無遺煨寶玉不在土死增毛骨災徒聞古丈夫霞  
舉登蓬萊

華清宮詠

錢維喬

開元初政如太宗焚棄珠玉身親農匡扶更得四良相後

東門桑烟橫渭水斜陽客來去曲江蒲柳亦先秋少陵野  
老今何處

前題

錢孟鈿

繡嶺山頭秋雁咽  
叫落華清故宮月  
不見霓裳舊管弦  
水殿煙廊夕陽沒  
想得鈿車昔作行  
阿環隨幸出蘭湯  
玉蓮初漲流波膩  
金粉潛傾暗乳香  
無端羯鼓商聲逼  
鐵騎北來天地黑  
荔枝千顆漫飛塵  
錦鞵半彎空瘞石  
白骨西南冷戰場  
妖星從此接槐槍  
六軍不挽扶風輦  
蕃馬何如在朔方  
王孫麥飯愁難覓  
野草萋萋不堪摘  
一曲淋鈴怨不勝  
傷心猶似寧王笛  
南內歸來夕殿低  
望京樓遠暮雲還



前題

崔龍見

開元天子親戡亂御宇承平事游晏早從繡嶺闢離宮至  
今仙液分溫殿古時新月與今同歌舞銷沉禁籞通碧甃  
龍池人自浴紅泉蓮蕊色還空却思落日留王母宮中行  
樂清平譜長生私語定誰知短笛潛聽鎮相許詞賦崢嶸  
粉黛鮮美才子俱黃土朝元夜雨似淋鈴故國霜前雁  
字橫羯鼓悲涼鼙鼓震羽衣零亂白衣行繁華過眼如轉  
蓬落葉哀譚舊時曲遺事猶傳菊部頭香魂難傍黃幡綽  
舍梨花恨滿東園陵松徑殘金粟不須惆悵月明時曠  
風流合在蓬萊皇見雁千秋閉闥女龍漿一笑迷幾許

臨潼縣志卷九

志餘

凡志之作必分門別類依次而序列之其門與類之無所屬者則總附諸其末。為志餘非必無關典要為其頗涉絃、悉且間有近於附會者如祥異一條古帝王恐懼修省於是乎在然天遠人邇金雨櫟陽鳳集西亭慶山見醴泉出率多獻諛之徒侈談瑞應未盡可信災眚之變又或傳聞互異少所見則多所怪亦往往有之至若傳記之所僅存聽觀之所偶及或一端之有徵或片語之足錄非不其細已甚然義極諸牘體務其脩雖未獲與分門別類依次



挑燈直是長門夜半臂涼情事非新臺之水古所恥老  
奴遂為良娣死盛衰轉眼五十年始知李嶠真才子

武帝元興四年夏四月隕石於東

元鼎二年二月大雨雪平地厚五尺

元封二年大寒雪深五尺人多凍死

太初元年秋關東蝗起飛至燉煌

天漢元年雨白震顏師古曰震者毛之強曲者也

宣帝甘露元年蒼龍見新豐

元帝建昭元年八月白蛾羣飛蔽日從東都至於軹道

成帝鴻嘉三年五月乙亥大水南山大石鳴如雷聞三

百四十里野鳥皆鳴

新莽始建國二年十二月雪



而序者一例并列然吉光片羽用以廣聞見而資博洽未  
嘗無少裨益焉故續編於後亦庶幾無使或遺已耳  
祥異

周穆王三年地震渭水竭

顯王二年櫟陽雨金秦獻公十八年也

赧王元年渭涸三日

七年渭水赤三日秦武王三年也 劉向以秦閼密而

刑虐武伐橫出天戒若曰勿為劇急將致敗亡

四十二年渭水赤三日秦昭襄王三十四年也

漢文帝四年六月雨雪

安帝義 十一年大旱

宋文帝元嘉六年十一月朔地震野草皆自反

隋文帝開皇二年旱

唐高祖武德元年十二月新豐鸛鵒谷水清 代傳云此

水清天下平隋開皇初暫清尋濁至是復清

三年旱八月乃雨

太宗貞觀元年饑

高宗永徽元年新豐大雨零口山水瀑出漂廬舍

永淳元年五月旱蝗疾疫死者相枕於路

中宗嗣聖三年即太后垂拱二年新豐有山湧出太后



地皇元年九月大雨六十餘日

三年夏五穀盡天白東方來至長安食草木盡

世祖建武二年歲人相食

安帝延光三年十月壬午風風集新豐西界亭

獻帝興平元年四月至七月不雨穀一斛五十萬豆麥

一斛二十萬

晉武帝太康元年九月白龍見於陰盤

惠帝元康元年七月旱夏隴霜殺秋稼大饑米斛百錢

穆帝永和十年大饑

晉惠二年大旱

二年秋蝗餓斗米千錢

大歷二年十月乙酉醴泉出櫟陽飲者多愈痼疾

四年四月雨至九月

八年櫟陽民家牛生犢二首

十年二月昭應婦人產一男二女

德宗貞元元年春旱夏蝗羣飛蔽天旬日不息食草木  
葉及畜毛皆盡餓殣枕道井皆無水

二年正月乙未大雨雪數尺雪上黃黑如塵

二十七年雨紅雪

憲宗元和十一年京畿大雨昭應尤甚



名曰慶山改新豐為慶山縣

神龍元年四月渭水中有蝦蟆大如鼎

元宗天寶三載新豐嘉禾生或九穗或六穗

十載十月乙丑御朝元閣有慶雲見上賦詩羣臣畢和

十三載秋大霖雨害稼

十四載十月癸酉幸華清宮有石產玉芝楊國忠請宣

付史館從之

十二月幸溫泉見白鹿升天改會昌為昭應縣是歲冬

三月當空千里外不見人是為晝昏

代宗廣德元年秋野蠆至害稼

海陵正隆五年地震

元世祖至元五年大旱

成宗元貞元年六月旱

英宗至治二年饑

泰定帝泰定元年六月大雨渭水溢損民廬

順帝至元二年暴風旱

至正八年九月桃李花

十九年夏蝗食禾稼草木俱盡人相食

二十六年四月苗霧四塞

明太祖洪武二年大旱饑



宋太祖乾德二年蝗

開寶元年旱

太宗至道二年地震壞廬舍

仁宗天聖六年八月甲戌山水暴漲民溺死者甚衆

明道二年蝗

神宗熙寧三年旱

元豐二年春旱

哲宗元祐三年秋大旱

四年春地震

金熙宗皇二十二年經年不雨五穀焦枯溺漚皆竭

三十五年十二月丙戌有彤如虹聲如霆移時乃  
三十七年八月二十六日井水溢暴起數尺

穆宗隆慶二年三月地震倒塌城垣房屋人口多壓傷  
是年大旱

神宗萬歷十年大旱饑人相食

三十八年秋八月不雨至次年夏四月民多疫死

四十年春夏大疫

四十八年大饑十歲兒易一斗粟

思宗崇禎元年三月二十五日五鼓天赤如血已時漸  
黃日始出是年四月至七月不雨



成祖永樂十二年三月饑疫

宣宗宣德三年大旱饑

憲宗成化二十二年七月不雨大饑斗米萬錢

二十三年地震聲如雷屋舍壞男女死者甚衆冬大饑

孝宗宏治十四年春正月朔地震

世宗嘉靖二年春正月地震

七年大旱

八年七月蝗食禾無遺人食蓬子

三十四年十二月地大震聲如雷壞城郭房舍壓死人

無筭

十三年二月大風雪十餘日人相視皆黃色

十九年秋雨四十餘日

二十七年三月二十七日霜殺麥夏四月地震是年秋旱

二十九年旱秋無成

三十年歲大饑

三十一年夏無麥六月乃雨是年秋成

五十九年秋旱

六十年春無雨麥每斗價七錢六月乃雨

雍正十年秋旱十月始種麥次年收六分



十一年大風霆暴折斷大木

十七年正月初三日天無雲而雷聲震百里

本朝順治四年饑

五年大雨四十餘日

十一年地震

十二年雨蕎麥豌豆煮之皆成紅水

十五年十一月大雪雷鳴

十八年五月大雨雹

康熙元年秋雨四十餘日渭水絕渡者半月冬河凍

漢新豐陰盤故城

太平寰宇記漢新豐屬京兆今縣東

十二里故城即漢縣所後漢靈帝末移安定郡陰盤縣  
寄理於此城人亦謂之陰盤城後魏太和九年自此移  
陰盤縣於今昭應縣東三十二里冷水西戲水東即司  
馬村故城也其新豐縣自陰盤寄理之後又移理於故  
城東三十里蓋在零水側此條窠有原本縣東十二里  
為漢新豐故城今城陽坡北稍東正其處元和志云十  
八里者就現在之新豐鎮言也非是後漢移陰盤縣寄  
理於此城可知當日原無專城至後魏始置城於司馬  
故村耳與古蹟城邑互證自明



乾隆十三年大饑發帑賑濟

十七年麥後無雨秋無收發帑賑濟

二十七年秋歉收碾倉粟分口借給

三十年七月十七日地震

三十二年五月二十二日地震

三十五年夏旱歉收

三十六年二月二十七八兩日霜殺麥後連雨麥死者

從根發數幹皆吐穗較未死者收倍人咸慶之記此以

為後驗

萬年入廣陽高陵 太平寰宇記周明帝二年省萬年入

廣陽高陵二縣屬馮翊隋仁壽元年廣陽屬雍州

赤畿繁望 唐分縣四等曰赤畿繁望唐地理志昭應次

赤 標陽本畿隸雍州天祐三年屬華州華陰郡

標陽隸奉先 太平寰宇記萬年縣武德元年改標陽元

和元年六月勅割隸奉先縣以奉景陵

標陽屬華州 省志建置表標陽縣後五代屬華州

金山 驪山從東南來其起處曰大小金山大金山屬藍

田小金山屬臨邑以驪陰產金故名亦曰驪首其上有

金 廟



漢櫟陽故城 禹貢錐指在臨潼東北七十里今詢諸父

老云櫟陽鎮北十二里有萬年屯相傳為漢萬年城又東北七里閭良鎮有三鎮堡堡東里許為溫店鎮西里許為大有鎮南里許為萬年鎮皆傳為萬年城故地與錐指道里相協形勢絕似漢高帝初都櫟陽城後析置萬年亦名萬年城應即其處

師亭 水經注高帝定關中始都櫟陽王莽改曰師亭

異赤 漢地理志萬年高帝置莽曰異赤

密時省入新豐 省志漢以渭南置密時縣隸京兆尹建

溫泉湧於地肘溫源橫瀾靈液徐清合水火之德澤  
萬人倍藥石之功闕除六疾潔華清之流豈同襍洛救  
疴癢之疾寧比浴沂唐類按博物志凡諸溫泉咸能療  
疾又云凡水源有石硫黃其泉則溫前志泉之溫者下  
必有硫黃礬石可已風癰不可以療虛怯良是

棘店靈湫 閭良鎮西北半原有棘店后土祠祠前有靈

湫 祈雨輒應雷神殿碑記正統十三年大旱王撫軍命

西安黃郡丞禱各山川不雨廼取水棘店后土祠靈湫

雷聲忽作大雨立沛奏請修祠道人李定岩夢雷神告

為營祠驪山故南湯建雷神殿焉



馬額

趙統詩注驪山東首即金山為金廟即金山廟北折為

馬

山有元初七真馬丹陽洞故址地震後圯

三岔

石甕瀑布泉源在正南約五里許名曰吳家三

岔

水自石潭出凡五處合流經石魚岩垂虹而下

望峰

兩京道里記始皇陵南有尖峰名曰望峰言築陵

者

此為準

獨秀

驪山之絕頂也明袁宏道題其石曰獨秀峰

溫泉

要徐德諒輯溫泉溉種出穀香美唐志療瘵痲痺

浸

則痊王廙溫水冬浴可以禳寒張勃或云神人所爇土

療

疾靈泉吐涌而自浪華清蕩邪而難老魏都賦

坑儒四百六十餘人則以侯生盧生韓衆徐市株連故也四子為秦鍊藥求仙者耳竊以為諸生橫議之流自以為儒而受坑秦亦以為儒而坑之而莫覺其非也

送徒驪山

漢高祖為泗水亭長送徒驪山故人贈高祖

酒二壺鹿牡牛肝各一高祖樂與從者飲酒食肉而去後即帝位尚食常具此二炙並酒二壺

走邯鄲道

張釋之傳文帝居霸陵北臨側指新豐路示

慎夫人曰此走邯鄲道也因使慎夫人鼓瑟上自倚瑟而歌今新豐鎮東南七里有代王廟於帝像右塑后像即慎夫人代王原其始也



黑虎泉

在陰盤坡西溝澄泓可鑑灌田數十畝樹木蔚

鬱宸宜清賞

陂河

在陂陽鄉北水東西流今涸渠尚存

相橋丹井

尚能好仙術遇異人授以仙丹丹墮井中汲

水作酒味獨甘今井尚存

秦改古文為隸

漢衛宏古文奇字序秦既焚書改古文

為篆隸患天下不從而召諸儒至者七百人拜為郎乃

密令冬種瓜於驪山坑

一作

谷中溫處瓜實成詔博士

諸生說之人人各異乃命就視之諸生賢儒畢至方相

難決伏機發從上填之以土皆死大泓山房集秦所

老母福詒

徐德詩輯路史禪通記女媧氏太昊氏之女

弟少佐太昊氏正姓氏職婚姻通媒妁以重萬民之利  
是曰神媒太昊氏衰共工作亂於是滅共工氏而遷治  
於中皇山之原繼興於麗長安志亦云麗山有女媧治  
處今驪山第二峯老母祠疑即女媧氏而前志以授經  
碑即指為李荃所遇老母恐誤夫享祀與功德相準史  
記小司馬注女媧氏風姓有神聖之德亦木德王蓋宓  
羲之後已經數世金木輪環周而復始特舉女媧以其  
功高而充三皇故頌木王也淮南子共工與祝融戰不  
勝怒頭觸不周山崩天柱折地維缺女媧乃鍊五色石



龍遊宮

棘店迤西五里原半有龍遊宮相傳為漢武帝

遊幸處坡下有武帝廟唐沈亞之為文禱雨於武帝祠

即此

成帝廢陵

太平寰宇記漢成帝廢陵昌邑王陵俱在縣

界成帝於霸陵北步昌亭起昌陵即成帝之廢陵也長

安志省志俱作武帝廢陵似誤昌邑王陵無考

櫟陽令周躬

太平寰宇記後漢書云周躬字子宇為櫟

陽令有萬良者為父報讐自械詣獄躬謂良曰見惡不

報非孝也逃罪忘君非忠也今良忠孝已立遂解而釋

之陶潛羣輔錄作周子羽代與名俱不載

帝有所感即賦詩學士皆屬和

新豐旅館 前走馬周入關至新豐逆旅王人不之顧周  
命酒一斗八升悠然獨酌衆異之一云周至新豐旅全  
多貴人子弟主人不之顧周命酒盈缸用以濯足人大  
異之

召見獵所 唐書本傳姚相國崇睿宗立為同州刺史先

天二年元宗諱武新豐故事天子行幸故守在三百里  
內者得詣行在時帝亦密召崇崇至帝方獵渭濱即召  
見咨天下事滾滾不知倦



以補天斷續之以立四極聚蘆灰以止滔水於是地平  
天成不改舊制故曰功高而充三皇也以勞定國能捍  
大患如此而又為麗摩始宜乎其食報之久遠雖與麗  
終始可也若授經一節不過道家者流與麗民何與而  
廟祀至今不替當必有辨之者

昭應祠 冊府元龜天寶七載改會昌山為昭應山封山  
神為元德公立祠宇

驪山屬和 唐書李適傳中宗景龍中凡天子饗會游豫

宰相及學士得從春幸梨園並渭水祓除則賜細柳園

幸萬夏宮南園賜朱櫻秋登慈恩浮圖賦菊花酒

邊界還過臨潼失所佩金牌至太原憂慮成疾時已具  
其事驛聞於朝海陵復命給之仍遣諭恭曰汝失信牌  
亦猶不謹朕方俟汝欲有委使乃稱疾耶必以去日身  
佩信牌歸則無以為辭欲朕先知耳使至恭已疾篤俄  
頃卒海陵無事不刺於此庶為寬和

許提學還懷 元史本傳許衡字仲平河內人世祖出王  
秦中思所以化秦人乃命衡為京兆提學秦人新脫於  
兵欲學無師命衡為教授秦中人皆來學郡縣皆建學  
校民大化之世祖南征乃還就學者攀留之不得從送  
之臨潼而歸



國忠從幸

貢妃外傳楊國忠既遷領劍南每十月帝幸

華清宮五宅車騎皆從家別為隊隊各一色俄五家隊  
合爛若鳥花川谷成錦繡國忠導以劍南旌節遷劍  
馬狼籍於道香閨數十里

華清繚垣

南部新書驪山華清宮毀廢已久今所存惟

繚垣耳天寶所植松柏遍滿山谷雖經兵寇而不被斫  
伐朝元閣在山嶺之上最為嶄絕柱礎尚有存者山腹  
即長生殿殿東西盤石道自山麓而上道側有飲酒亭  
明皇吹笛樓宮人走馬樓故基猶存繚垣之內

金牌

金史本傳貞元四年蕭希以兵部尚書經畫夏國

細而為一人謂其北中自生非移種者然古幹古色與

兩嶺柏定同也

穀柏 在 新湯後院可數抱上幹全枯旁發四枝高皆數

丈中生 穀亦數丈尤青蔥獨異

橫渠祠柏 一在祠西偏大可二抱其本久枯一枝旁茁

黛色叅 一在東北隅並天矯奇古想亦唐舊物也

鳳柏 檠 城南有雙柏柯葉交披左右張兩翼前首後

尾如鳳 人皆奇之

雙皂莢 一在華清宮七聖殿西南隅合數抱相傳明皇

貴妃共 於此每歲結實必有十數莢合歡也陳叔度



閒輯

栖鳳槐

在新豐西漢延光三年鳳凰來新豐西亭槐樹

繫馬槐

在斜口南原東獄廟唐李昂曾繫馬此樹或云

高祖為煬帝所追憇馬樹下幹全枯惟留片皮旁出一

二枝卷曲如蓋真古物也

時雨槐

在新豐東堡外康熙二年旱趙居步禱太白山

取靈湫水歸懸樹上忽雷作大雨立沛因謂之時雨槐

今懸冰一枝葉密如攢經冬不凋

柏林

兩繡嶺別名古柏以億萬計皆隋唐時所植龍盤

龍曲形態異狀蒼翠之色彌滿山谷石甕寺柏尤柏堅

水元止牽牛立其右織女居其左今有石在廢池此石婆父所自起也程大昌雍錄亦云昆明池旁有石婆廟唐術士李國楨請昭應南山作大地婆等祠臨邑石婆父或沿此傳說未可知也至聖礪云者不過一磨具耳何聖之有前志謂為無根野語竅為有見

鱗石 在艾葉溝石形如鱗或云光武降鱗於此周星公云鱗與奔同乃尊漢惡新意耳非真有其事也

藕葉石 狀如藕葉初得之驪山之陰年代無考前縣吳補堂作荷池置石其中而建亭於北名藕葉山房云



雙皂莢 門即此一在斜口南原根盤可數抱已枯復榮

二枝後 根復起青翠交加亦傳為唐皂莢

段太尉祠 古白楊 前縣趙香陂因樹枯欲伐之已命木

土掘土 六七尺直下無旁根適有青門役至灞橋疾作

四抵樹 而愈遂止伐焉後新枝復發陰及數畝神所

憑依或 然歎

關帝廟進 祠 在春秋樓前左右并峙亭亭如盤蓋其所

云兩株 青玉立也

石婆父聖 碓 在碓子谷關輔古語昆明

二石人 立於東西以象天漢張衡西京

竭

角仙

陶穀清異錄華清宮一鹿千年精俊不衰人呼曰

角仙

金蝦蟇

石甕谷蝦蟇形小色黃其螃蟹形色亦如之杜

甫詩坡陀金蝦蟇蓋借以寓諷耳

四耳雉

驪山野鷄有四耳者或云食柏子而成然得之

最難想別屬一種也

阿濫堆

驪山有飛禽名阿濫堆明皇御玉笛採其聲翻

為曲子名播於遠近人競以笛效吹故張佑詩云紅樹

蕭蕭閣半開玉皇曾幸此宮來至今風俗駟山下村笛



沈泥石

蘇東坡寄子由沈泥硯有採自臨潼繡嶺山句

今問諸土人或云有升水石可作盆景因覓視之玲瓏似太湖石亦頗可玩至沈泥石則無知者

煉丹石

仕冷水谷口西坡上有石數百竈立相傳為老

君煉丹石

秦磚

始皇陵西三里大水衝激成渠深數丈土人於其

處得古磚數十枚大者長二尺寬七寸厚四寸小者長一尺極細緻可作硯小者尤佳

飲馬塘

撫陽城南莊嚴寺有石槽長四尺許色青而中

盤龍石白俗傳唐鄂國公飲馬此槽後雖多馬飲之不

自天福廢宮為觀以賜道士故長生殿有衆真黥盆屢  
經重鑄皆仍初名示不改也

老君殿古鼎 大可容數石亦係當年舊物經損而重鑄  
者

詠懷節錄 杜集凌晨過驪山御榻在嵒岨虫尤塞寒空

蹴踏崕谷滑瑤池氣鬱律羽林相摩挲君臣留歡樂

動殷膠葛賜浴皆長纓與宴非短褐彤庭所分帛本自

寒女出鞭撻其夫家聚歛貢城闕聖人筐篚恩寔願邦

國活臣如忽至理君豈棄此物多士盈朝廷仁者宜戰

慄况聞內金盤盡在衛霍室中堂有神仙煙霧蒙玉質



猶吹阿濫堆

二月水 全唐詩話王建華清宮詞末二句曰內園分得  
溫泉水二月中旬已進水唐置溫湯監監丞種水蔬隨  
時貢奉或疑二月非水時答曰驪山溫湯地暖可以人  
力為之按衛宏古文奇字曰秦始皇密令人種水驪山  
硎谷中實成使人上書曰水冬符實詔諸生往視因坑  
之然則溫湯冬已水矣何待二月耶

櫟陽韭 陳其年遊記間愁疊疊紛於太華之旒歷劫綿  
綿多似櫟陽之韭蓋古諺櫟陽家家種韭也

長生殿為明皇齋宮惟貴妃得從焉

驪山也荔枝盛暑方熟詞意雖美而失事實矣愚謂  
評必有所據若謂盛夏無避暑驪山事寧當時詩人皆  
未見及而故傳訛與

長楊 唐三體詩注杜常華清宮詩朝元閣上西風急都  
入長楊作雨聲按三輔黃圖云長楊本秦宮漢武脩之  
以脩巡幸長楊華清相去遼遠况秦漢舊宮至唐惟未  
央宮尚在長楊已不存蓋詩人寓言以托諷耳

朝霞賦 開元傳信記天寶初元宗遊華清宮劉朝霞獻  
駕幸溫泉賦詞調倜儻雜以俳諧其賦首云若夫天寶  
二年十月後兮臘月前辦有司之供具命駕幸於溫泉



煖客貂鼠裘悲管逐清瑟勸客駝蹄羹霜橙壓香摘朱  
門酒肉臭路有凍死骨榮枯咫尺異惆悵難再述此子  
美所目擊痛切而言之者當時君臣不悟何也

障掩金鷄 鴻書崔魯華清宮詩曰障掩金鷄蓄禍機翠

華西拂蜀雲飛珠簾一閉朝元閣不見人歸見雁歸又  
次首有明月自來還自去更無人倚玉闌干楊太史慎  
謂為精練奇麗遠出李義山杜牧之上

荔枝來 玉匣記杜牧華清宮詩曰長安回望繡成堆山  
頂千門次第開一騎紅塵妃子笑無人知是荔枝來據

唐紀明皇以十月幸驪山至春即還宮是未嘗六月在

楊妃病齒圖 寄園寄所寄馮海粟題楊妃病齒圖云華  
清宮一齒痛馬嵬坡一身痛漁陽鼙鼓動地來天下痛  
八分碑 歐陽修石舞陽侯祠堂碑唐王利器撰史維則  
八分書徐浩篆額天寶二年縣令張紫陽脩廟文及書  
篆皆可愛也

一行塔 一行禪師塔聞土人建廟將石刻埋南牆之下  
今失所在

歇馬盃 開元遺事自昭應縣至都門官道左右村店民  
當大路市酒量錢數多少飲之亦有好施者與行人解  
乏號為歇馬盃



青一隊兮黃一隊熊羆胸兮豹犴背珠一團兮繡一團  
玉鏤珂兮金鏤鞍其後述聖德云遮莫你古來千帝豈  
如我今代三郎其自叙云今日是千年一遇叩頭莫五  
角六張上覽而奇之將加殊賞命朝霞改去五角六張  
字奏云臣草此賦若有神助自謂文不加點筆不停綴  
不願改之上聞顧左右曰真窮薄人也遂授春官衛佐  
而止焉

漁陽城

青箱雜記臨潼縣華清宮朝元閣題詠甚多惟

陳文惠公二韻尤為絕唱曰朝元高閣迥秋毫無隱

浮雲忽以蔽不見漁陽城

述異

怨碑 賈志晉始皇為塚歛天下奇材異木為宮傾遠方  
奇寶於塚中為川瀆山岳之形以沙棠沉檀為舟楫金  
銀為鳧鴈琉璃為龜魚設機舟自運動盤旋鳧鴈  
龜魚時出沒隱見又於海中作玉象鯨魚銜火珠為星  
以代膏燭項羽入關開塚見所埋工匠皆久而不死琢  
石為龍鳳仙人及作碑辭讀文好事者驗諸史傳皆非  
堊時所有則知生埋匠者之所作也後人以其辭多悲  
苦詛怨之言因名碑曰怨碑

古丈夫 全唐詩古丈夫者秦時驪山役夫毛女秦宮女



閩寶臺 降聖觀南有小峯俗呼秦穆公時伍子胥及諸  
國使臣閩寶於此按元人百種曲有臨潼會閩寶之說  
乃就楚國無以為寶一語附會成劇小說家寓言耳  
夫俗子因據為口談亦其常也

人瑞 新豐屈國麟妻王氏百有五歲猶績紡不倦子必  
榮亦年逾古稀真人瑞也

俚婦子 畫墁錄臨潼縣驛前有俚婦生三子皆售諸過  
客二為正使一為郎官正使者一田一劉郎官者縣人  
田升卿也田登第嫡父自陳升卿大怒聞公決杖元祐  
中升卿坐市易錢不明配流廣南人謂無親之報

冬臘獨注思明昭應尉意其不預知有此新邑以  
言也發鮮觀書云文位變鼎鼎取新也縣邑中行且有  
更者者三應上上居離體離為日主以昭其應必得昭  
應一尉驚以為神按鴻書所載為遠秦事  
與此全同乃記述之異

授三品 獨異志貞觀中張寶藏為金吾長史嘗歸櫟陽

路逢少年改獵割鮮野食倚樹長嘆曰張寶藏身年七

十未嘗得一食酒肉旁一僧指曰六十日內官登三品

何之嘆也言訖不見寶藏異之即時還京太宗病漸危

醫不效詔問殿庭左右能治重賞之寶藏曾因此疾即

具疏以乳煎草菱方進上服之立差宣下宰臣與五品



益以計得脫入山大中初有陶太白尹子虛者挾策入  
芙蓉峯遇之一古服優雅一髮髻彩衣相與傾壺而飲  
飲盡古丈夫折松枝叩壺而吟毛女和之曰誰知古是  
與今非間躡青霞綰翠微簫管秦樓應寂寂彩雲空處  
薜蘿衣又毛女贈華山遊人詩曰曾折寒枝為竇擗又  
編采葉代羅襦有時却問秦宮事笑撫山花望太虛  
昭應寺蓮述趙冬曦與選合薦銓吏一人麴思明以次  
當得而略不言問其故曰吾行年值未濟三文居位不  
當自知期年方得官故不言也請書其事封泥省辭至  
期赴之入之山幸溫泉見白鹿升天改會昌為昭應縣

土人埋閭門下或掘出之堡多詫異因移故處

乃安

龍王相橋南十里有華次廟即華嶽廟廟地中歲鐵  
龍王像時苦旱土人禱雨故之忽雷雨大作水平地高  
丈餘懼埋之立止後無敢啟者

龍奇事記驪山下有一白狐驚撓山下人不能除乾  
符中忽一目突入溫泉利谷須臾之間雲蒸霧湧狂風  
大起化一白龍昇天而去後三年忽有一老父每夜哭  
於山前人問其故老父曰吾龍死故哭爾我狐龍之子  
也人又問曰狐何為化為龍老父曰此狐象西方之正



官親微難之逾月不達擬上疾復作復令進之一啜又  
平復上曰嘗令與進方人五品官不見除授何也徵懼  
曰奉詔之際未知文武上怒曰治得宰相不妨授三品  
我天子也豈不及汝耶與三品文官立授為贈知時正  
六十日也

別業石 間居筆記驪山下逍遙別業蓋章前立所建賦  
詩勒石在焉一夕忽失碑字換墨題云曉星明滅白雲  
點秋風落葉故址頽垣冷煙衰草前朝宮闕長安道上  
行客依舊名利深切改變容顏消磨今古隴頭殘月

許公微 營見保舊名全隄堡唐李衛公屯兵於此遺有

預異之曰可聞姓氏乎對曰某燧人氏之苗裔也漢明  
帝時十四代祖封長明公開元初帝封某為西明夫人  
昨聞之下有幽陰之志願一歛顏自是晨去暮還預乳  
母潛伏佛榻觀之自隙而出入西幢澄澄一燈因撲滅  
之後遂絕紅裳者

角聲 蘇頲壠上記郗方回葬婦於驪山治墓多平亮  
古墳後壞一塚搆制甚偉器物殊盛塚旁聞鼓角聲

鳧 賈志秦驪山墳破行者見金鳧向南飛寶鼎元年  
張善為日南太守郡民有得金鳧以獻者善考其年月

即始皇墓金鳧



氣而生故色白不與衆遊不與近處託於驪山下千餘  
年後偶合於雌龍曰文知之遂命為龍亦猶人間自凡  
而成聖耳言訖而滅

明夫人

纂異記進士楊預家於渭橋以居處繁雜頗

妨肄業乃詣昭應縣借石甕寺文殊院居旬餘有紅裳  
既夕而至容色姝麗徐步於簾外歌曰涼風暮起驪山  
空長生殿鏤霜葉紅朝來試入華清宮分明憶得開元  
中預曰歌者誰耶紅裳又歌曰金殿不勝秋月斜石樓  
冷誰是相顧人褰帷弔孤影預拜迎於門既即席問預  
之姓氏預具告預祖父親族曾遊石甕寺者無不熟識

當年勝蹟蕩為平原令人感喟不盡

驪山晚照

驪山與西京相對終南峙其左涇渭帶其右

漢唐宮闕帝王陵寢俱在指顧每值日景西傾蒼煙四起全秦形勢之大古今興廢之由往事縈懷百感交集此曠士登高邱而遐思騷人俯夕陽而凭弔也省志驪山晚照為關中八景之一殆謂是歟

露臺曉望

漢文帝露臺故址在驪山東二十五里名九

龍頭以九峯環侍其下故也矗立萬仞高出雲霓之表

旭日初昇天光四澈址瞰延榆南俯商雒西隴東華相

違不啻咫尺八水漚流如線登高眺遠於此庶乎觀止



勝

陽故都 櫟陽面渭背荆右擁豐岐之饒左扼關河之險秦獻公自雍徙都與東國爭衡形勢便利漢高帝還定三秦亦都於此易曰王公設險以守其國車書一統規模宏遠西京為家若拓土開疆可戰可守唯此寔稱雄圖今城郭雖廢氣象猶存賦黍離者蓋不勝故都之感焉

豐古市

漢高帝置新豐移豐故人實之貴戚大家多

聚此又當孔道冠蓋交馳商賈輻湊歷代稱為名邑

永詩新豐市裡行人度紀其實也今市移馮門坂

風谷紅葉 風王公在東繡嶺左山勢坳折泉壑幽雅古  
柏蒼松千霄蔽日周太史燦詩殘霞迴嶺樹曲澗咽山  
泉描寫宸確尤多楓柿九秋霜後紅葉彌漫唐人云霜  
葉紅於二月花信然

柏林納涼 兩繡嶺古柏億萬株蒼翠滿林壑暑月閒步  
其下清蔭宜人幽香撲鼻御風而行冷然善也

嶽廟積雪 廟在馬庄山絕頂孤峯特起地勢高寒雖盛  
夏必挾纈雪經年不消蓋邑南諸山皆終南支麓而此  
更無異終南積雪矣

交口夜泊 交口為清沮渭聚滙之所上有市集舟楫往



渭水滙流 渭總入水入臨又漆沮清來會故渭水至臨

乃稱巨川禹貢會於渭汭春秋汎舟之役自雍及絳蓋

關中轉輸不一道而皆於此會渭乃東入河焉最愛乘

秋鼓舫蕩漾中流系月在天琉璃萬頃令人樂而忘返

荆原北障 荆原為巴北界綿亘數十里與驪山南北相

望陂陀擁護如屏

倉陂桃林 倉陂南枕豐原北襟渭水徧植桃李約三

里二三月花放滿林彌望若錦繡行人策蹇往來儼如

畫武陵溪不是過也趙統詩千家烟火牛羊野一

山河秦漢宮直有無數感慨

虎唐品諸觀皆在此原蓋有取於林泉之美也

東原稼穡 渭北土高易旱不如渭南近山多水然燥濕  
兩偏均湏調劑東原地盡膏腴水旱無虞夏麥秋禾  
皆數<sub>年</sub>俗呼四十里長收原唐王仲初卜居詩語多貧  
苦緣自傷淪落觸目皆增憤憑司牧者則喜其土沃而  
民康也

古道明沙 渭北多沙北田鎮所產尤明潔可愛唐起獻

陵於荊原命取以填穴自陵至沙際用數萬人分兩道  
比肩立執箕<sub>斗</sub>運不數日而竣今鎮北兩沙道尚存五  
十里直達獻陵



來恒泊於此夜分燈火熒熒漁歌互答歎乃呶啞之聲  
達旦不息訪之漢川洛口不相上下

零橋旱發橋在零口鎮東長安道上水路必由交口陸  
路必由零口曉星初起殘月在天車馬交馳肩摩轂擊  
爭度恐後市人於橋西設肆飲村醪啜麥飯喧呼雜沓  
聲聞數里溫飛卿詩山果行鷄聲郊店月人跡板橋霜  
未免淒涼而此偏其鬧熱耳

南原丘壑驪山盡處為南原土阜平行澗泉繚曲廣  
僅數十里而一丘一壑各擅異趣能使探奇攬勝之

到處領畧有窮口不能竟者唐韋嗣立山莊記云

今涇渠久塞斷原口渠亦日就低下櫟陽田畝無一能  
灌者意欲築防別引未知克有成否

石鼓小亭 石甕寺深谷中有石高十餘丈狀如鼓前人  
於其上壘石為小亭覆以白茅形制最古攀蘿而登有  
輕世肆志之想焉

清川別墅 清河多藻荇旭景平浮清風徐引滿川綠搖  
翠幌耀人心目張氏築園於其旁草屋數椽野蔬半畝  
抱瓮灌畦優游自適余顏其門曰得閒園蓋自苦不得  
閒而深羨慕之也



魚池清賞 魚池山環欲抱水曲成灣岸草先榮林木後  
脫無間春花秋月雨晦雪晴各有一種清趣供人玩賞  
邑趙郎中統有憶魚池灣舊遊八首慷慨悲歌意謂人  
異於古所云未稔當日更何如勝況也

陰盤龍見 渭水抱陰盤繞流而東每龍見士必發解讀  
云龍掛角解元確乾隆甲子四月龍見張馨元癸酉復  
見王大成元庚寅又見辛卯朱謙元歷符諺語

谷口春漲 櫟陽西北田高涇渠不能到因從斷原口堤

石川河水以灌之故斷原口亦名谷口每值春漲無間  
男婦爭先往觀而十頃瀾漫洵可樂也

馬竊惟臨邑為關中巨縣驪山溫泉尤稱名勝歷周秦漢  
唐皆咫尺帝居時脩述典故物隆夸人文顯燦厥後秦京  
雖廢然地處衝要政繁務襍其間治亂迭更興替互異必  
有才識淹貫之儒博攷而詳志之薈萃成編垂為實錄乃  
宋元以前作者俱不傳惟明有司訓樊珩志邑尚書武之  
望志

本朝有邑庠生高鸞翔志舉人米調鼎志然皆散失無攷今  
所存者惟樊志武志兩序及趙香陂志并序而已樊序失  
作者名序曰

臨潼縣志一卷司訓睢陽樊生玠所考次者縣故有志歲





以永閔終古配極一邱覆土未乾烈炬已慘而霸陵因山  
託體封樹儼然於武德之不修惟力之競垂遠保終殷鑒  
在茲矣斯志之大者予故得詳論之若夫戶口登耗治績  
優劣風俗醇醜人六興廢是謂文武之政布在方策其人  
存則其政舉將有焉於來賢斯樊生之所以志臨潼也武  
序少司馬李三才序曰

語有之舊國舊都望之暢然即山陵草木猶足以繫懷而  
增感喜况進此者下倭之去臨潼而家薊門也四世矣居  
恒從先大父及舊山往來者談故鄉風土輒神往驪山渭  
水間未本水源意固遠矣甲戌秋始從先大夫一展祖墓



遠殘缺乃加訂成經大都沿革山川官府土貢等目悉仍  
其舊而補遺析外時故志加善予固不敢與其不刊然脩  
一邑之文獻資觀風之採錄餘凡弗論論其大者二三策  
或可鑒焉幽王之惑褒姒也戲徵諸侯苟悅艷妻卒之戎  
雖弗禦宗周以夷元示之嬖太真也崇飾華清淫逸罔度  
乃致祿山叛亂唐某幾圯於戲女戎召禍凶於女國戒哉  
始皇坑儒焚曲聲罄羣黎異以利祐後人延引萬世計慮  
篤全然禮教絕響憤恚四塞獨夫蒙辜非子不祀秦之坑  
儒適以自坑矣詩云貽厥孫謀以燕翼子肇基王迹者尚  
慎旃哉至其歸藏騷麗重錮三泉發機防姦脩物殉之將

顛閱散迨三千疏附大...以內產第史逸無攷不明  
疇屬吾邑耳其後出者...學可志也風土故樸重胡至  
以詐力相加夫周秦不易民也雍州之地相襲自右也七  
月之歌駟鐵之咏胡前後類易若此駟山相傳多金乃更  
為地崇幸頃者掘採止而氓稍甦然剝巨痛猶深也蓋作  
志之本指如此至其相引紀傳析合異同枝附葉綴自有  
條貫無論考驗今古可信而徵可勸而懲即以越鄉之人  
讀之若身歷目涉了然於心昔胡寬營新豐傲焉適其用  
慰懷土者不佞居恒懷土讀之是當臥遊阡陌不移而肖  
愈甚奚啻耳聞已目擊矣所以慰本源之思而暢然於懷



乃上自昔志先賢孰獨下建物產之紛錯與古蹟之存  
亡遂得一一編其目因問邑有志乎缺矣邑必有志奚容  
缺攷驗懲勸於何哉非直暢然相望已也頃得請於直指  
余公檄飭修纂而邑之聞人武銓部寔載筆焉書既成馳  
示不佞且徵弁言惟秦中自古帝都新豐櫟陽迫掖下  
號為衝地時當秦室祠雨金之時徒粉榆之社浴溫湯之  
泉螢華清之宮綺羅都雅不可殫記及乎多事周以烽項  
以炬歷漢李隋唐屬成爭數蓋三秦襟天下吭此尤其吭  
際通呼吸者地綦希矣栖鳳原飲龍川錯繡嶺出真之可  
堪遊覽之所隱見宜有奇傑辭浮而問出者

共訂亦猶鄭之辭命焉顧寧人曰知縣云在監司守令之位不悉一方之地形土俗因革利病不可以作志官於是若能於志也南功則義取乎獨斷不必讓於其鄉所謂職也京自惟辭語淺薄豈敢任茲掌故然於土俗民情及歷代帝王賢先賢事跡頗稱好事又思講學以變易風俗俾鄉三老鍾鼓以振之使民用和睦如西銘所云鰥寡惇獨皆哉兄弟則親民如傷而上下訢合風雨時若京之志是書也以此石曰摭摭精英備一邑文獻以資觀覽猶其末焉且志非史比也史直書善惡志則書善而勸戒在意言之表文詳乎曰太熙以後其史近於晉故無取焉康對山



者可勝道哉趙序曰

臨潼河華間一名區也唐之華清在焉湯泉活活於驪山下公卿牧伯往來駐節又為巴蜀汧隴伊涼之孔道其名勝不可不紀于京承乏於茲載書數簾自隨蒞事初即思按圖索驥乃舊志雖頗可取而簡略殘缺古聖人之道尚書春秋之旨不立判考據乎古編而次之余小子何敢讓焉三載來凡所披覽有關於潼者輒標記如白帖日積既多康熙辛巳夏五月農忙例放官閒遂王草星堃建盟山川古蹟一頁劉考功魯如見而欣賞張子潛谷申子若山張秀才宏璧採訪泰酌康子太乙又適自壽杜間來旨

者濟南趙于京自序三序言其出先後亦載於邑志  
亦庶得其大凡第樊志武志其詳畧靡可得而究矣趙  
志惟華清宮記最爲詳密其他未免稍略如縣治沿革  
名雖具列而源流分合及實在各處所皆未分條指晰  
讀者茫然夫罅漏必須補苴而始完而摭摭務廣耳目  
以爲用余學殖荒落著述原非所長兼值用師金川差  
徭襍沓未遑披閱然忝司守土終未敢因陋就簡徒希  
塞責乃復延友人崑山徐桂門平湖楊蒼石並邑內知  
名之士相與遠稽博訪上自正史旁及諸記下逮舊聞  
凡有關志事者無問鴻纖俾各收錄其規模悉遵趙舊



之志武功頗多褒貶蓋對山史官也非是則訛若夫建橫  
渠書院表渾太師段太尉墓治樊舞陽侯祠請劉兵科祀  
撰循良人物諸紀則余之僭成一手而不敢有一念偏私  
日月山河可共聞之唐宋以來詩古文辭錄其著者其餘  
河田累民驛路累官求雨止雨作忠作孝可變可守有裨  
於民者雜錯見之成十六志共八卷第愧蕪陋無所發明  
妄思竊比後之君子必有能述余之不逮者濟南趙于京  
自序三序詞旨各出先後不臨邑亦庶得其大凡第  
樊志武志其詳畧靡可得而究矣趙志惟華清宮記宸極  
諸其他未免稍略如縣治沿革等類凡刻而源流紛紜

憲章程中廟周南年宗元薛斌張調元趙湘新宗

儒王宗倫齊慶高凌霄王天授丁紹呂張廣增太學生

宗良段金相黃鵬舉馬麟定生員李元張文謨王守德

昌士採訪鄉飲大賓姚臣古趙昌介賓米文忠耆賓劉

岐王宏祿師役尼武舉馬元亮党應龍

劉大用張世俊

任萬清

逢春太學生党緒闕蒲滋馨馬元勳岳國運高席珍姚

祥王天章李毓岐王所義任成謨王景烈姚隆古姚歲

羅正印孫維新張綸霍炳王惶房述黃德成丁天保鄭

玠楊大璋王繼蘭楊文著齊洽張浩齊世琦張金玉楊

剛韓世俊黃學講雖文淵魏育英師文輝楊學詩孫



惟即其所未載及載而弗詳者依類尋討端委必盡而  
余亦時於公餘之下悉心裁酌庶幾允當間有不揣固  
陋附以己意者非敢自詡博辯亦祇以補其未脩云爾  
稿既具適余膺薦北上大興徐煥章景州張在田皆余  
寅好相繼來攝篆復逐加校核幸無少誤已乃繕冊申  
府上呈余方惴惴焉恐無當於飭提之至意而

大中丞暨

各憲不加擯斥各賜序言余與同事諸君獲有榮  
施而一邑之民亦沾其惠





何欽戴應斗張棟吳觀蘇應瑞李洪倉張時新生員李  
英高承基張映奎李如栢任應周慕忠孝梁洽王步陵  
允升祁眷姚際虞王公杰韓興趙張光烈任開周武  
王元勲王學禮段玉相馬超真任起緒總理經費武舉  
一級齊治書版拔貢米保民既竣取趙版藏學宮以修  
者得參考焉時乾隆四十一年十月初一日也









